



柳田文庫
文庫11
D 297
1



文庫11
D297
1

道
道

010190566086

進遼史表

開府儀同三司上柱國錄軍國重事中書右丞相監修

國史領經筵事臣托克托原作脫脫言竊惟天文莫驗於璣

衡人文莫證於簡策人主監天象之休咎則必察乎璣

衡之精監人事之得失則必考乎簡策之信是以二者

所掌俱有太史之稱然天道幽而難知人情顯而易見

動靜者吉凶之兆敬怠者興亡之機史臣雖述前代之

設施大意有助人君之鑑戒遼自唐季基于朔方造邦

本席於干戈致治能資於黼黻敬天尊祖而出入必察

親仁善鄰而和戰以宜南府治民北府治兵春狩省耕

秋狩省斂吏課每嚴於芻牧歲饑屢賜乎田租至若觀

市赦罪則脗合六典之規臨軒策士則恪遵三歲之制

享國二百一十九載政刑日舉品式備具蓋有足尚者



鳥江文庫

焉迨夫子孫失御上下離心驕盈盛而釁隙生讒賊興
而根本蹙變強爲弱易於反掌吁可畏哉天祚自絕達
實原作大石苟延國旣邱墟史亦蕪蕪耶律儼語多避忌陳
大任辭乏精詳五代史繫之終篇宋舊史埒諸載記予
奪各徇其主傳聞況失其真我世祖皇帝一視同仁深
加愍惻嘗敕詞臣撰次三史首及於遼六十餘年歲月
因循造物有待臣托克托誠惶誠恐頓首頓首欽惟皇
帝陛下如堯稽古而簡寬容眾若舜好問而濬哲冠倫
講經兼誦乎祖謨訪治旁求乎往牒茲修史事斷自宸
衷睿旨下而徵聘行朝士賀而遺逸起於是命臣托克
托以中書右丞相領都總裁中書平章政事臣特穆爾
達實原作鐵睦爾達世中書右丞今平章政事臣賀惟一御史
中丞今翰林學士承旨臣張起巖翰林學士臣歐陽元

侍御史今集賢侍講學士兼國子祭酒臣呂思誠翰林
侍講學士臣揭傒斯奉命爲總裁官中書遴選儒臣宗
文太監今兵部尚書臣廉和斯哈雅原作惠山海牙翰林直學
士臣王沂祕書著作佐郎臣徐昂國史院編修官臣陳
繹曾分撰遼史起至正三年四月迄四年三月發故府
之積藏集遐方之匭獻蒐羅剔抉刪潤研劇紀志表傳
勒成一代之書臧否是非不迷千載之實臣托克托叨
承隆寄幸覩成功載宣日月之光華願效涓埃之補報
我朝之論議歸正氣之直則辭之昌遼國之君臣有知
善者喜而惡者懼所撰本紀三十卷志三十一卷表八
卷列傳四十五卷各著論贊具存體裁隨表以聞上塵
天覽下情無任慚懼戰汗屏營之至臣托克托誠惶誠
恐頓首頓首謹言

遼史卷三

本紀第三

太宗上

遼史卷四

本紀第四

太宗下

遼史卷五

本紀第五

世宗

遼史卷六

本紀第六

穆宗上

遼史卷七

本紀第七

穆宗下

遼史卷八

本紀第八

景宗上

遼史卷九

本紀第九

景宗下

遼史卷十

本紀第十

聖宗

遼史卷十一

本紀第十一

聖宗二

遼史卷十二

本紀第十二

聖宗三

遼史卷十三

本紀第十三

聖宗四

遼史卷十四

本紀第十四

聖宗五

遼史卷十五

本紀第十五

聖宗六

遼史卷十六

本紀第十六

聖宗七

遼史卷十七

本紀第十七

聖宗八

遼史卷十八

本紀第十八

興宗上

遼史卷十九

本紀第十九

興宗中

遼史卷二十

本紀第二十

興宗下

遼史卷二十一

本紀第二十一

道宗一

遼史卷二十二

本紀第二十二

道宗二

遼史卷二十三

本紀第二十三

道宗三

遼史卷二十四

本紀第二十四

道宗四

遼史卷二十五

本紀第二十五

道宗五

遼史卷二十六

本紀第二十六

道宗六

遼史卷二十七

本紀第二十七

天祚一

遼史卷二十八

本紀第二十八

天祚二

遼史卷二十九

本紀第二十九

天祚三

遼史卷三十

本紀第三十

天祚四

志

遼史卷三十一

志第一

營衛上

宮衛

遼史卷三十二

志第二

營衛中

巴納原作捺鉢

部族上

遼史卷三十三

志第三

營衛下

部族下

遼史卷三十四

志第四

兵衛上

兵制

遼史卷三十五

志第五

兵衛中

御帳親軍
宮衛騎軍
大首領軍
眾部族軍

遼史卷三十六

志第六

兵衛下

五京都鄉丁

屬國軍

邊境戍兵

遼史卷三十七

志第七

地理一

上京道

邊防城

遼史卷三十八

志第八

地理二

東京道

遼史卷三十九

志第九

地理三

中京道

遼史卷四十

志第十

地理四

南京道

遼史卷四十一

志第十一

地理五

西京道

遼史卷四十二

志第十二

歷象上

大明歷元

遼史卷四十三

志第十三

歷象中

閏考

遼史卷四十四

志第十四

歷象下

朔考

象

刻漏

官星

遼史卷四十五

志第十五

百官一

北面

遼史卷四十六

志第十六

百官二

北面

遼史卷四十七

志第十七上

百官三

南面

遼史卷四十八

志第十七下

百官四

南面下

遼史卷四十九

志第十八

禮一

吉儀

遼史卷五十

志第十九

禮二

凶儀

遼史卷五十一

志第二十

禮三

軍儀

禮四

賓儀

遼史卷五十二

志第二十一

禮五

嘉儀上

遼史卷五十三

志第二十二

禮六

嘉儀下

遼史卷五十四

志第二十三

樂

國樂

雅樂

大樂

散樂

鼓吹樂

橫吹樂

遼史卷五十五

志第二十四

儀衛一

國輿

漢輿

遼史卷五十六

志第二十五

儀衛二

國服

漢服

遼史卷五十七

志第二十六

儀衛三

符印

遼史卷五十八

志第二十七

儀衛四

國仗

渤海仗

漢仗

鹵簿儀仗總目

遼史卷五十九

志第二十八

食貨上

遼史卷六十

志第二十九

食貨下

遼史卷六十一

志第三十

刑法上

遼史卷六十二

志第三十一

刑法下

表

遼史卷六十三

表第一

世表

遼史卷六十四

表第二

皇子表

遼史卷六十五

表第三

公主表

遼史卷六十六

表第四

皇族表

遼史卷六十七

表第五

外戚表

遼史卷六十八

表第六

遊幸表

遼史卷六十九

表第七

部族表

遼史卷七十

表第八

屬國表

列傳

遼史卷七十一

列傳第一

后妃

肅祖昭烈皇后蕭氏

懿祖莊敬皇后蕭氏

元祖簡獻皇后蕭氏

德祖宣簡皇后蕭氏

太祖淳欽皇后舒嚕原作述律氏

太宗靖安皇后蕭氏

世宗妃甄氏

景宗睿知皇后蕭氏

聖宗欽哀皇后蕭氏

興宗貴妃蕭氏

道宗惠妃蕭氏

天祚德妃蕭氏

天祚元妃蕭氏

遼史卷七十二

列傳第二

宗室

義宗 貝 倮 作 子平王隆先 晉王道隱

章肅皇帝 魯呼 倮 作 子宋王喜隱

順宗 濬 晉王額嚕溫 原作 敖 魯 幹

遼史卷七十三

列傳第三

耶律赫嚕 原作 曷 魯 蕭達魯 原作 敵 魯 阿古齊 原作 阿 曷 魯

耶律實納齊 原作 斜 控 赤 隆科 原作 老 古 佛德 原作 頰 德

耶律欲穩 耶律哈里 原作 海 里

遼史卷七十四

列傳第四

耶律達喇 原作 敵 刺 蕭罕都 原作 痕 篤

康默記 延 壽 韓延徽 德 樞 紹 芳 資讓

韓知古 匡 嗣 德 源 德 凝

遼史卷七十五

列傳第五

耶律迪里 原作 顛 烈 伊 濟 源 作 耶律都沁 原作 古 圖 魯 卜 原 作 突 鐸 臻

王郁 耶律圖勒錦 原作 圖 魯 寤

遼史卷七十六

列傳第六

耶律嘉哩 原作 解 里 耶律巴哩岱 原作 拔 里 得

耶律碩格 原作 朔 古 耶律羅卜科 原作 魯 不 古

趙延壽 高模翰

趙思溫 耶律烏魯斯 原作 溫 里 思

張礪

遼史卷七十七

列傳第七

耶律烏哲 原作屋質

耶律吼 和勒博原作何

耶律安圖 原作安搏

耶律幹 原作注

耶律托雲 原作頹昱

耶律特烈 原作捷烈

遼史卷七十八

列傳第八

耶律伊勒哈 原作夷騰葛

蕭哈里 原作海璿

蕭和斯 原作護思

蕭思溫

蕭繼先

遼史卷七十九

列傳第九

室昉

耶律賢適

尼哩 原作女里

郭襲

耶律阿穆爾 原作阿沒里

遼史卷八十

列傳第十

張儉

邢抱朴

馬得臣

蕭朴

耶律巴格 原作八哥

遼史卷八十一

列傳第十一

耶律實嚕 原作烏魯斯里斯

王繼忠

蕭孝忠

陳扎衮 原作昭衮

蕭和卓 原作合卓

遼史卷八十二

列傳第十二

耶律隆運 德威 達魯噶 獺 制心

耶律巴古濟原作勃古哲

武白

耶律和克原作虎古

穆爾古原作魯古

蕭揚阿克原作陽阿

蕭常格原作常哥

遼史卷八十三

列傳第十三

耶律休格原作休哥瑪格驪歌

耶律色珍原作斜軫

耶律希達原作奚低

耶律學古烏爾古巴原作烏不呂

遼史卷八十四

列傳第十四

耶律沙

耶律穆濟原作抹只

蕭幹托果譚誰

耶律善補

耶律哈里原作海里

遼史卷八十五

列傳第十五

蕭達林原作撻橐

蕭觀音努原作音奴

耶律托色原作題子

耶律轄哩原作諸理

耶律諾觀原作奴瓜

蕭柳

高勳

奚和碩原作胡奴

蕭塔喇噶原作列葛塔

耶律薩哈勒原作撒合

遼史卷八十六

列傳第十六

耶律和卓原作合住

劉景

劉六符

耶律紐幹哩原作裹履

牛溫舒

杜防

蕭和尚特默轡稚

耶律哈爾吉原作理只

耶律佛德原作頗的

遼史卷八十七

列傳第十七

蕭孝穆

薩巴撒作
孝友

蕭博諾

原作
蒲奴

耶律博諾

原作
蒲古

夏行美

遼史卷八十八

列傳第十八

蕭迪里

原作
巴拉撒

耶律博諾

原作
益奴

蕭巴雅爾

原作
恒德必塔

耶律資忠

耶律楊珠

原作
張質

耶律鴻觀

原作
宏古

高正

耶律達魯

原作
的珠

大康父

遼史卷八十九

列傳第十九

耶律庶成

庶成
富魯源

楊哲

耶律韓留

楊佶

耶律和尙

遼史卷九十

列傳第二十

蕭阿拉

原作
阿刺

耶律義先

信先

蕭托輝

原作
陶隗

蕭塔喇噶

原作
刺葛塔

耶律達魯

原作
敵祿

遼史卷九十一

列傳第二十一

耶律罕巴

原作
韓八

耶律唐古

蕭珠展

原作
藥師努

耶律玦

耶律布勒圖

原作
里篤

遼史卷九十二

列傳第二十二

蕭道拉原作奪刺

蕭布達原作普達

耶律浩善原作侯晒

耶律古雲原作古昱

耶律圖丹原作獨顛

蕭罕嘉努原作韓家

蕭烏頁原作烏野

遼史卷九十三

列傳第二十三

蕭惠慈實努原作慈氏奴

蕭頁魯原作都勒幹原作魯

蕭托雲原作圖玉

耶律都沁原作鐸軫

遼史卷九十四

列傳第二十四

耶律華格原作化哥

耶律幹拉原作幹臘

耶律蘇色原作速撒

蕭阿魯代原作魯帶

耶律納延原作那也

耶律和囉木薩噶原作魯掃古

耶律世良

遼史卷九十五

列傳第二十五

耶律鴻觀原作宏古

耶律瑪魯原作馬六

蕭滴冽

耶律適祿

耶律辰嘉努原作陳家奴

耶律特默原作特麼

耶律仙童

蕭素威穆喇幹

耶律大悲努原作大悲奴

遼史卷九十六

列傳第二十六

耶律仁先托卜嘉原作捷

耶律良

蕭罕嘉努 原作韓家奴

蕭惟信

耶律迪里 原作敵烈

耶律阿蘇 原作阿思

遼史卷九十七

列傳第二十七

耶律額特均 原作額特刺

竇景庸

楊績

王觀

遼史卷九十八

列傳第二十八

蕭兀納

蕭德

蕭約音努 原作樂音奴

姚景行

孩里

耶律音濟 原作引吉

趙徽

耶律吉遜 原作喜孫

劉伸

遼史卷九十九

列傳第二十九

蕭巖壽

蕭蘇色 原作速撒

蕭托卜嘉 原作不也

耶律實嚕 原作石柳

耶律呼哩 原作胡呂

耶律薩喇 原作撒刺

耶律托卜嘉 原作不也

蕭和克 原作忽古

列傳第三十

耶律唐古 原作棠古

蕭綽哈 原作軻幹

耶律珠展 原作木者

蕭塔喇台 原作里底

耶律章努 原作章奴

遼史卷一百一

列傳第三十一

蕭托斯和

原作陶蘇翰

耶律阿息保

蕭伊實

原作乙薛

蕭呼敦

原作胡篤

遼史卷一百二

列傳第三十二

蕭奉先

李處溫

張琳

耶律伊都

原作余觀

遼史卷一百三

列傳第三十三

文學上

蕭罕嘉努

原作家奴

李濬

遼史卷一百四

列傳三十四

文學下

王鼎

耶律昭

劉輝

耶律孟簡

耶律古雲

原作谷欲

遼史卷一百五

列傳第三十五

能吏

大公鼎

蕭文

馬人望

耶律都勒幹

原作魯幹

楊遵勛

王棠

遼史卷一百六

列傳第三十六

卓行

蕭扎拉 原作扎刺

耶律官努 原作官奴

蕭普爾布 原作蒲離不

遼史卷一百七

列傳第三十七

列女

邢簡妻

耶律氏常格 原作常哥

耶律努 原作奴妻

耶律珠展 原作木者妻

耶律中妻

遼史卷一百八

列傳第三十八

方技

珠勒呼 原作直魯古

王白

魏璘

耶律達魯 原作敵魯

耶律伊伯格勒 原作乙个哥

遼史卷一百九

列傳第三十九

伶官

羅衣輕

宦官

王繼恩

趙安仁

遼史卷一百一十

列傳第四十

姦臣上

耶律伊遜 原作乙辛

張孝傑

耶律雅克 原作燕哥

蕭錫沙 原作十三

遼史卷一百一十一

列傳第四十一

姦臣下

蕭額哩頁

原作余里也

耶律赫魯

原作合魯

蕭特爾特

原作得裏特

蕭額圖瑋

原作訛都幹

蕭達囉克

原作達魯古

耶律托卜嘉

原作塔不也

蕭特古斯

原作圖古辭

遼史卷一百一十二

列傳第四十二

逆臣上

希達

原作達勒達里特

華格

原作滑哥

察克

原作察割

隆科

原作婁國

重元

原作尼魯古魯古

遼史卷一百一十三

列傳第四十三

逆臣中

蕭翰

德呼

原作牒蠟

朗

瑠格

原作劉哥

瑣都

哈斯

原作海思

迪里

原作敵獵

蕭格

原作革

遼史卷一百一十四

列傳第四十四

逆臣下

蕭呼都克

原作胡觀

蕭塔喇台

原作里得

庫德

原作古迭

薩爾珠

原作刺竹

奚和勒博

原作離保

蕭圖烈

原作特烈

遼史卷一百一十五

列傳第四十五

外紀

高麗

西夏

德陽劉子雄校字
成都方守道覆校



遼史卷一

元中書右丞相總裁托克托等修
本紀第一

太祖上

太祖大聖大明神烈天皇帝。姓耶律氏。諱億。字安巴堅。

原作阿保機小字多爾濟。原作斡里只契丹德略。原作迭剌部轄塔哩

原作濼益錫林。原作石烈鄉耶律穆魯。原作彌里人。德祖皇帝長子。

母曰宣簡皇后蕭氏。唐咸通十三年生。初母夢日墮懷中。有娠。及生。室有神光異香。體如三歲兒。即能匍匐。祖母簡獻皇后異之。鞠為己子。常匿於別幕。塗其面。不令他人見。三月能行。晬而能言。知未然事。自謂左右若有神人翼衛。雖齟齬言必及世務。時伯父當國。疑輒咨焉。既長。身長九尺。豐上銳下。目光射人。關弓三百斤。為塔

瑪鳴賽特原作撻馬時小黃室韋不附太祖以計降之

伐裕爾庫原作越兀及烏爾古原作烏古六奚畢沙敘原作沙敘諸

部克之國人號額珍錫哩原作主沙里唐天復元年歲辛酉

哈陶津汗原作董可汗立以太祖為本部額爾奇木原作夷

董專征討連破室韋伊濟原作于厥及奚帥錫爾格原作刺哥

俘獲甚眾冬十月授大德略原作迭烈府額爾奇木原作高董

明年秋七月以兵四十萬伐河東河北攻下九郡獲生

口九萬五千馳馬牛羊不可勝計九月城龍化州於潢

河之南始建開教寺明年春伐女直下之獲其戶三百

復攻下河東懷遠等軍冬十月引軍略至薊北俘獲以

還先是德祖俘奚七千戶徙饒樂之清河至是創為奚

德略原作迭刺部分十三縣遂拜太祖裕悅原作于越總知軍國

事明年歲甲子三月廣龍化州之東城九月討黑車子

室韋唐盧龍軍節度使劉仁恭發兵數萬遣養子趙霸

來拒霸至武州太祖謀知之伏勁兵桃山下遣室韋人

摩哩原作牟里詐稱其酋長所遣約霸兵會平原既至四面

伏發擒霸殲其眾乘勝大破室韋明年七月復討黑車

子室韋唐河東節度使李克用遣通事康令德乞盟冬

十月太祖以騎兵七萬會克用於雲州宴酣克用借兵

以報劉仁恭木瓜澗之役太祖許之易袍馬約為兄弟

及進兵擊仁恭拔數州盡徙其民以歸明年二月復擊

劉仁恭還襲山北奚破之沐州朱全忠遣人浮海奉書

幣衣帶珍玩來聘十一月遣偏師討奚霫諸部及東北

女直之未附者悉破降之十二月哈陶津汗原作董可汗

殂羣臣奉遺命請立太祖赫魯原作曷魯等勸進太祖三讓

從之

元年春正月庚寅命有司設壇於舒伊旺尼珠瑋溫原作

如迂王燔柴告天即皇帝位尊母蕭氏為皇太后立皇

后蕭氏北宰相蕭實喇原作南宰相耶律烏魯斯原作

思率羣臣上尊號曰天皇帝后曰地皇后庚子詔皇族

承約尼原作氏九帳為第十帳二月戊午以從弟達勒

達原作為德降原作府額爾奇木原作是月征黑

車子室韋降其八部夏四月丁未朔唐梁王朱全忠廢

其主尋弒之自立為帝國號梁遣使來告劉仁恭子守

光囚其父自稱幽州盧龍軍節度使秋七月乙酉其兄

平州刺史守奇率其眾數千人來降命置之平盧城冬

十月乙巳討黑車子室韋破之

二年春正月癸酉朔御正殿受百官及諸國使朝辛巳

始置特哩衮原作典族屬以皇弟薩喇原作為之河東

李克用卒子存勳襲遣使弔慰夏五月癸酉詔薩喇原作

刺討烏丸黑車子室韋秋八月壬子幽州進合歡瓜冬

十月己亥朔建明王樓築長城於鎮東海口遣輕兵取

托歡原作叛入室韋者

三年春正月幸遼東二月丁酉朔梁遣郎公遠來聘三

月滄州節度使劉守文為弟守光所攻遣人來乞兵討

之命皇弟錫里原作素額爾奇木原作蕭達魯原作

以兵會守文於北淖口進至橫海軍近淀一鼓破之守

光潰去因名北淖口為會盟口夏四月乙卯詔左僕射

韓知古建碑龍化州大廣寺以紀功德五月甲申置羊

城於炭山之北以通市易冬十月己巳遣鷹軍討黑車

子室韋破之西北烏梁海原作部族進輓車人

四年秋七月戊子朔以后兄蕭達魯原作為北府宰相

后族爲相自此始冬十月烏滿原作馬山奚庫濟原作支及

扎魯特原作查超默特原作德等叛討平之

五年春正月丙戌朔日有食之丙申上親征西部奚奚

阻險叛服不常數招諭弗聽是役所向輒下遂分兵討

東部夷亦平之於是盡有奚霫之地東際海南暨白檀

西踰松漠北抵潢水凡五部咸入版籍三月次灤河刻

石紀功復略地薊州夏四月壬申遣人使梁五月皇弟

埒克原作特爾格伊德實原作底石安圖原作安端謀反

安圖原作安端妻訥默庫原作粘知之以告得實上不忍加

誅乃與諸弟登山刑牲告天地爲誓而赦其罪出埒克

原作爲德喀部額爾奇木原作夷封訥默庫原作粘

姑爲晉國夫人秋七月壬午朔錫爾丹原作離洎諸蕃

使來貢八月甲子劉守光僭號幽州稱燕冬十月戊午

置鐵冶十一月壬午遣人使梁

六年春正月以華格原作化哥爲特哩袞原作楊隱二月戊午親

征劉守光三月至自幽州夏四月梁郢王友珪弑父自

立秋七月丙午親征珠巴克原作不姑降之俘獲以數萬

計命弟埒克原作刺葛分兵攻平州八月壬辰上次恩德山

皇子魯呼原作李胡生冬十月戊寅埒克原作刺葛破平州還復

與特爾格原作送刺伊德實原作底石安圖原作安端等反甲申遣

人使梁致祭壬辰還次北阿魯原作阿魯山聞諸弟以兵阻

道引軍南趨十七灤是日燔柴翼日次七渡河諸弟各

遣人謝罪上猶矜憐許以自新是歲以兵討兩冶以所

獲僧崇文等五十人歸西樓建天雄寺以居之以示天

助雄武

七年春正月甲辰朔以用兵免朝晉王李存勖拔幽州

擒劉守光。甲寅，王師次赤水城。弟埒克原作等乞降。上素服乘赭白馬，以將軍耶律魯庫原作實喇原作堅安巴原作為御解兵器，肅侍衛，以受之。因加慰諭。埒克原作刺葛等引退。上復數遣使撫慰。二月，甲戌朔，梁均王友貞討殺其兄友珪，嗣立。三月，癸丑，次蘆水。弟特爾格原作迭刺圖為奚王與安圖原作擁千餘騎而至，給稱入覲。上怒曰：爾曹始謀逆亂，朕特恕之，使改過自新。尙爾反覆，將不利於朕，遂拘之。以所部分隸諸軍，而埒克原作引其眾至伊蘇濟勒原作淀，具天子旗鼓，將自立。皇太后陰遣人諭令避去。會瑪古納古爾原作乃懷里陽言車駕且至，其眾驚潰，掠居民北走。上以兵追之。埒克原作刺葛遣其黨伊德實原作引兵徑趨行宮，焚其輜重。廬帳縱兵大殺皇后，急遣舒古魯原作救之，僅得天子

旗鼓而已。其黨珊蘇庫原作復劫西樓，焚明王樓。上至土河，秣馬休兵，若不為意。諸將請急追之。上曰：俟其遠遁，人各懷土，懷土既切，其心必離。我軍乘之，破之必矣。盡以先所獲資畜分賜將士，留伊勒希巴原作勒呼原作總政務。夏四月，戊寅，北追埒克原作已卯，次穆魯原作聞諸弟面木葉山射鬼箭厭禳，乃執叛人嘉哩原作向彼亦以其法厭之。至達掄原作淀，選輕騎追及布扎爾原作河，盡獲其黨輜重。生口先遣室韋及托歡原作會長巴爾特哩袞原作等五人分兵伏其前路，命北宰相達魯原作為先鋒，進擊之。埒克原作刺葛率兵逆戰。達魯原作以輕兵薄之，其弟阿古齊原作過古臨陣射數十人斃，眾莫敢前。相拒至晡，眾乃潰。追至柴河，遂自焚其車乘廬帳而去。前遇巴爾特哩袞原作

拔刺迪等伏發合擊遂敗之。埒克原作刺葛奔潰遺其所奪神帳於路上見而拜奠之所獲生口盡縱歸本土其黨庫克克齊原作庫古只摩多原作磨朵皆面縛請罪師次昭圖原作堵河大雨暴漲五月癸丑遣北宰相迪輦率驍騎先渡甲寅奏擒埒克原作刺葛納爾琿原作里袞阿巴原作阿鉢於榆河前北宰相蕭實噶原作實魯伊德實原作底石自剄不殊遂以黑白羊祭天地壬戌埒克原作刺葛納爾琿原作里袞阿巴原作鉢詣行在以橐索自縛牽羊望拜上還至大嶺時大軍久出輜重不相屬士卒煮馬駒採野菜以為食孳畜道斃者十七八物價十倍器服資貨委棄于綽里特原作楚里河狼籍數百里因更埒克原作刺葛名巴爾原作暴里丙寅至庫哩原作庫里以青牛白馬祭天地以生口六百馬二千三百分賜大小鶻軍六月辛巳至榆嶺以實喇原作轄賴縣人縲

古原作掃古非法殘民磔之甲申上登都庵山撫其先奇善汗原作奇汗遺跡徘徊顧瞻而興歎焉聞獄官聶噶原作涅離擅造大校人不堪其苦有至死者命誅之壬辰次狼河獲逆黨伊埒穆爾原作里彌生藴之銅河南軌下放所俘還多為裕庫噶原作骨里所掠上怒引輕騎馳擊復遣驍將分道追襲盡獲其眾并掠者庚子次阿敦濼以養子納喇蘇原作里思附諸弟叛以鬼箭射殺之其餘黨六千各以輕重論刑伊濟原作于厥掠生口者三十餘人亦俾贖其罪放歸本部至石嶺西詔收回軍乏食所棄兵仗召北府兵驗而還之以額爾奇木原作夷離莖納爾琿原作里袞附諸弟為叛不忍顯戮命自投崖而死秋八月己卯幸龍眉宮輟逆黨二十九人以其妻女賜有功將校所掠珍寶孳畜還主亡其本物者命責償其家不能償者賜

以其部曲九月壬戌上發自西樓冬十月庚午駐赤崖

戊寅和州回鶻來貢癸未伊實原作乙室府人達魯原作里古

穆呼爾原作迷部人托里原作特里以從逆誅詔羣臣分決

滯訟以韓知古錄其事珠勒呼原作只掌捕亡十一月

祠木葉山還次扎固原作昭烏山省風俗見高年議朝政定

吉凶儀十二月戊子燔柴于蓮花灤

八年春正月甲辰以赫魯原作曷魯為德略原作迭刺部額爾奇

木原作夷呼哩原作忽烈為特哩衮原作惕隱裕庫略原作骨里部

人塔勒滿原作特執逆黨布呼原作怖胡伊拉齊原作里只等

十七人來獻上親鞫之辭多連宗室及有脅從者乃杖

殺首惡布呼原作怖胡餘並原釋裕悅原作于越綏蘭原作率懶之子

華格原作化哥屢蓄姦謀上每優容之而反覆不悛召父老

羣臣正其罪并其子戮之分其財以給衛士有司所鞫

逆黨三百餘人獄既具上以人命至重死不復生賜宴

一日隨其平生之好使為之酒酣或歌或舞或戲射角

觥各極其意明日乃以輕重論刑首惡埒克原作刺葛其次

特爾格原作刺哥上猶弟之不忍寘法杖而釋之以伊德

實原作底石安圖原作安端性本庸弱為埒克原作刺葛所使皆釋

其罪前裕悅原作于越哈達拉原作底里子嘉哩原作解里埒克原作

刺妻實喇勒濟原作刺已實預逆謀命皆絞殺之伊德實

嘗有忠告並免因謂左右曰諸弟性雖敏黠而蓄姦稔

惡嘗自矜有出人之智安忍兇狠谿壑可塞而貪黷無

厭求人之失雖小而可恕謂重如泰山身行不義雖入

大惡謂輕於鴻毛昵比羣小謀及婦人同惡相濟以危

國祚雖欲不敗其可得乎北宰相實魯原作實魯妻伊埒達

袞原作餘於國至親。一旦負朕，從于叛逆。未寘之法，而病死。此天誅也。嘉哩原作解里自幼與朕嘗同寢食，眷遇之厚，冠於宗屬。亦與其父背大恩而從不軌。茲可恕乎。秋七月丙申朔，有司上諸帳族與謀逆者三百餘人罪狀，皆棄市。上歎曰：致人於死，豈朕所欲。若止負朕躬，尚可容貸。此曹恣行不道，殘害忠良，塗炭生民，剽掠財產，民間昔有萬馬，今皆徒步。有國以來，所未嘗有。實不得已而誅之。冬十月甲子朔，建開皇殿於明王樓基。

九年春正月，烏爾古原作烏古部叛，討平之。夏六月，幽州軍校齊行本舉其族及其部曲男女三千人請降，詔授檢校尚書左僕射，賜名烏雲原作兀欲，給其廩食。數日亡去。幽帥周德威納之，及詔索之，德威語不遜，乃議南征。冬十月戊申，釣魚於鴨淥江。新羅遣使貢方物。高麗遣使進

寶劍。吳越王錢鏐遣滕彥休來貢。是歲君基太一神數見，詔圖其像。

神冊元年春二月丙戌朔，上在龍化州。德呼原作迭烈部額

爾奇木原作高堇耶律赫嚕原作葛魯等率百僚請上尊號。二

表乃允。丙申，羣臣及諸屬國築壇州東，上尊號曰大聖。

大明天皇帝。后曰應天大明地皇后。大赦。建元神冊。初

闕地爲壇，得金鈴，因名其地曰金鈴岡。壇側滿林，曰冊

聖林。三月丙辰，以德呼原作迭烈部額爾奇木原作高堇赫嚕

原作曷魯爲阿勒達爾裕悅原作朶里于越百僚進秩，頒賚有差。

賜酺三日，立子貝原作倍爲皇太子。夏四月乙酉朔，晉幽

州節度使盧國用來降，以爲幽州兵馬留後。甲辰，梁遣

郎公遠來賀。六月庚寅，吳越王遣滕彥休來貢。秋七月

壬申，親征突厥，托歡原作吐渾党項小蕃沙陀諸部皆平之。

俘其酋長及其尸萬五千六百。鎧甲兵仗器服九十餘萬。寶貨駝馬牛羊不可勝算。八月拔朔州。擒節度使李嗣本。勒石紀功於奇冢南。冬十月癸未朔。乘勝而東。十一月攻蔚新武。媯儒五州。斬首萬四千七百餘級。自代北至河曲。踰陰山。盡有其地。遂改武州為歸化州。媯州為汗原作州。因置西南面招討司。選有功者領之。其圍蔚州。敵樓無故自壞。眾軍大譟乘之。不踰時而破。時梁及吳越二使皆在焉。詔引環城觀之。因賜滕彥休名曰舒嚕。原作述呂十二月收山北八軍。二年春二月。晉新州裨將盧文進殺節度使李存矩。來降。進攻其城。刺史安金全遁。以文進部將劉殷為刺史。三月辛亥。攻幽州。節度使周德威以幽并鎮定魏五州兵拒於居庸關之西。合戰於新州東。大破之。斬首三萬。

餘級。殺李嗣本之子武八。以后弟阿古齊原作阿骨只為統

軍。實嚕原作實魯為先鋒。東出關。略燕趙。不遇敵而還。己未

裕庫呼原作骨里叛。命實嚕原作室魯以兵討之。夏四月壬午。

圍幽州。不克。六月乙巳。望城中。有氣如烟。火狀。上曰。未

可攻也。以大暑霖潦。班師。留赫嚕原作曷魯盧國用守之。埒

克原作刺葛與其子薩布巴哩岱原作保里叛。入幽州。秋八月。

李存勖遣李嗣源等救幽州。赫嚕原作曷魯等以兵少而還。

三年春正月丙申。以皇弟安圖原作安端為大內特哩袞原作

隱命攻雲州。及西南諸部。二月。達旦國來聘。癸亥。城皇

都以禮部尚書康默記充版築使。梁遣使來聘。晉吳越

渤海高麗回鶻準布原作党項及幽鎮定魏潞等州各

遣使來貢。夏四月乙巳。皇弟特爾格原作烈哥謀叛。事覺。

知有罪。當誅。預為營壙。而諸戚請免。上素惡其弟伊德

城皇都

實原作寅妻納爾琿原作涅曰納爾琿原作涅能代其
死則從納爾琿原作涅自縊壙中并以奴農古原作女叛
人額爾古濟原作魯生瘞其中遂赦特爾格原作烈五
月乙亥詔建孔子廟佛寺道觀七月己酉裕悅赫魯原作
于越薨上震悼久之輟朝三日贈賻有加冬十二月庚
子朔幸遼陽故城辛丑北府宰相蕭達魯原作敵魯薨戊午
以裕悅赫魯原作越弟裕勒沁原作汗為德降原作迷烈部
額爾奇木原作蕭蕭阿古齊原作阿為北府宰相甲子
皇孫烏雲原作隈欲生

遼史卷一

原和十二年五月十三日 柳四泉

德陽劉子雄校字
成都方守道覆校

遼史卷二

元中書右丞相總裁托克托等修

本紀第二

太祖下

四年春正月丙申射虎東山二月丙寅修遼陽故城以
漢民渤海戶實之改為東平郡置防禦使夏五月庚辰
至自東平郡秋八月丁酉謁孔子廟命皇后皇太子分
謁寺觀九月征烏爾古原作烏部道聞皇太后不豫一日
馳六百里還侍太后病間復還軍中冬十月丙午次烏
爾古原作烏部天大風雪兵不能進上禱于天俄頃而霽
命皇太子將先鋒軍進擊破之俘獲生口萬四千二百
牛馬車乘廬帳器物二十餘萬自是舉部來附

五年春正月乙丑始製契丹大字夏五月丙寅吳越王

復遣滕彥休貢犀角珊瑚授官以遣庚辰有龍見于伊
喇原作山陽水上上射獲之藏其骨內府閏六月丁卯
以皇弟蘇爲特哩衮原作康默記爲伊勒希巴
秋八月己未朔党項諸部叛辛未上親征九月己丑朔
梁遣耶公遠來聘壬寅大字成詔頒行之皇太子率德
略原作部額爾奇木裕勒沁原作汗等略地雲
內天德冬十月辛未攻天德癸酉節度使宋瑤降賜弓
矢鞍馬旗鼓更其軍曰應天甲戌班師宋瑤復叛丙子
拔其城擒宋瑤俘其家屬徙其民於陰山南十二月己
未師還

六年春正月丙午以皇弟蘇爲南府宰相迪里原作爲
特哩衮原作南府宰相自諸弟搆亂府之名族多罹其
禍故其位久虛以卓特原作部轄塔哩珠勒呼

原作只攝之府中數請擇任宗室上以舊制不可輒變
請不已乃告于宗廟而後授之宗室爲南府宰相自此
始夏五月丙戌朔詔定法律正班爵丙申詔畫前代直
臣像爲招諫圖及詔長吏四孟月詢民利病六月乙卯
朔日有食之冬十月癸丑朔晉新州防禦使王郁以所
部山北兵馬內附丙子上率大軍入居庸關十一月癸
卯下古北口丁未分兵略檀順安遠三河良鄉望都潞
滿城遂城等十餘城俘其民徙內地十二月癸丑王郁
率其眾來朝上呼郁爲子賞賚甚厚而徙其眾于潢水
之南庚申皇太子率王郁略地定州康默記攻長蘆晉
義武軍節度使王處直養子都囚其父自稱留後癸亥
圍涿州有白兔緣壘而上是日破其郛癸酉刺史李嗣
弼以城降乙亥存勛至定州王都迎謁馬前存勛引兵

趨望都。遇我軍。托諾原作五千騎圍之。存勛力戰數四。不解。李嗣昭領三百騎來救。我軍少却。存勛乃得出。大戰。我軍不利。引歸。存勛至幽州。遣二百騎躡我軍後。我軍反擊。悉擒之。己卯。還次檀州。幽人來襲。擊走之。擒其裨將。詔徙檀順民於東平。潘州。

天贊元年春二月庚申。復徇幽薊地。癸酉。詔改元。赦軍前殊死以下。夏四月甲寅。攻薊州。戊午。拔之。擒刺史胡瓊。以盧國用尼嚕古原作。典軍民事。壬戌。大饗軍士。癸亥。李存勖圍鎮州。張文禮求援。命郎君德略原作。將軍康末怛往。擊敗之。殺其將李嗣昭。辛未。攻石城縣。拔之。五月丁未。張文禮卒。其子處瑾遣人奉表來謝。六月。遣鷹軍擊西南諸部。以所獲賜貧民。冬十月甲子。以蕭希達原作。為北府宰相。分德略原作。為二院。實納齊。

原作斜。為北院額爾奇木。原作夷。烏蘇。原作為南院額爾奇木。原作夷。詔分北達寧額。原作兀。為二部。立兩節度使。以統之。十一月壬寅。命皇子耀庫濟。原作為天下兵馬大元帥。略地薊北。

二年春正月丙申。大元帥耀庫濟。原作克平州。獲刺史趙思溫。裨將張崇。二月如平州。甲子。以平州為盧龍軍置節度使。三月戊寅。軍於箭筈山。討叛奚呼遜。原作獲之。射以鬼箭。誅其黨三百人。沈之狗河。置奚托輝。原作部。以布掄。原作勃。權總其事。夏四月己酉。梁遣使來聘。吳越王遣使來貢。癸丑。命耀庫濟。原作攻幽州。德略原作。刺部額爾奇木。原作夷。迪里。原作。徇山西地。庚申。耀庫濟。原作軍幽州東。節度使符存審遣人出戰。敗之。擒其將裴信父子。閏月庚辰。耀庫濟。原作抵鎮州。壬午。拔曲。

陽丙戌下北平是月晉王李存勖即皇帝位國號唐五月戊午耀庫濟原骨師還癸亥大饗軍士賞賚有差六月辛丑波斯國來貢秋七月前北府宰相蕭阿古齊原骨阿古及主郁徇地燕趙冬十月辛未朔日有食之己卯唐兵滅梁

三年春正月遣兵略地燕南夏五月丙午以特哩衮原骨隱迪里原骨為南院額爾奇木原骨是月徙薊州民實遼州地渤海殺其刺史張秀實而掠其民六月乙酉召皇后皇太子大元帥及二宰相諸部頭等詔曰上天降監惠及烝民聖主明王萬載一遇朕既上承天命下統羣生每有征行皆奉天意是以機謀在已取舍如神國令既行人情大附舛訛歸正遐邇無愆可謂大含漠海安納泰山矣自我國之經營為羣方之父母憲章斯

在允嗣何憂升降有期去來在我良籌聖會自有契於天人眾國羣王豈可化其凡骨三年之後歲在丙戌時值初秋必有歸處然未終兩事豈負親誠日月非遙戒嚴是速聞詔者皆驚懼莫識其意是日大舉征托歡原骨吐党項準布原骨阻卜等部詔皇太子監國大元帥耀庫濟原骨堯骨從行秋七月辛亥哈喇原骨等擊索歡納原骨山東部族破之八月乙酉至烏爾古原骨山以鵝祭天甲午次古單于國登阿勒坦音德爾原骨山以鹿鹿祭九月丙申朔次古回鶻城勒石紀功庚子拜日于蹕林丙午遣騎攻準布原骨阻卜南府宰相蘇南院額爾奇木原骨迪里原骨略地西南乙卯蘇等獻俘丁巳鑿金河水取烏山石輦致潢河木葉山以示山川朝海宗嶽之意癸亥大食國來貢甲子詔確不勒汗原骨故

碑以契丹突厥漢字紀其功是月破呼穆蘇原作胡山

諸蕃部次伊德實原作業山以赤牛青馬祭天地回鶻

巴哩原作霸里遣使來貢冬十月丙寅朔獵約囉原作樂山獲

野獸數千以充軍食丁卯軍于巴爾斯原作霸思山遣兵

踰流沙拔浮圖城盡取西鄙諸部十一月乙未朔獲甘

州回鶻都督必里克原作畢離因遣使諭其主烏穆珠汗

原作烏母射虎于烏蘭實喀原作烏刺邪里山抵巴克實原作霸室

山六百餘里且行且獵日有鮮食軍士皆給

四年春正月壬寅以捷報皇后皇太子二月丙寅大元

帥耀庫濟原作堯骨略党項丁卯皇后遣康未怛問起居進

御服酒膳乙亥蕭阿古齊原作阿古只略燕趙還進牙旗兵

仗辛卯耀庫濟原作堯骨獻党項俘三月丙申饗軍於水精

山夏四月甲子南攻小番下之皇后皇太子迎謁於札

里河癸酉回鶻烏穆珠汗原作烏母遣使貢謝五月甲

寅清暑室韋北陁秋九月癸巳至自西征冬十月丁卯

唐以滅梁來告即遣使報聘庚辰日本國來貢辛巳高

麗國來貢十一月丁酉幸安國寺飯僧赦京師囚縱五

坊鷹鷂己酉新羅國來貢十二月乙亥詔曰所謂兩事

一事已畢惟渤海世讐未雪豈宜安駐乃舉兵親征渤

海大諲譔皇后皇太子大元帥耀庫濟原作堯骨皆從閏月

壬辰祠木葉山壬寅以青牛白馬祭天地於烏山己酉

次色克原作撒葛山射鬼箭丁巳次商嶺夜圍扶餘府

天顯元年春正月己未白氣貫日庚申拔扶餘城誅其

守將丙寅命特哩袞原作惕隱安圖原作安端前北府宰相蕭阿

古齊原作古只等將萬騎為先鋒遇諲譔老相兵破之皇

太子大元帥耀庫濟原作堯骨南府宰相蘇北院額爾奇木

原作夷高堇實納齊原作斜南院額爾奇木原作夷迪里原作

是夜圍輝罕原作城己巳譚譔請降庚午駐軍於輝

罕原作忽汗城南辛未譚譔素服橐索牽羊率僚屬三百餘

人出降上優禮而釋之甲戌詔諭渤海郡縣丙子遣近

侍康末怛等十三人入城索兵器為邏卒所害丁丑譚

譔復叛攻其城破之駕幸城中譚譔請罪馬前詔以兵

衛譚譔及族屬以出祭告天地復還軍中二月庚寅安

邊鄭頡南海定理等府洎諸道節度刺史來朝慰勞遣

之以所獲器幣諸物賜將士壬辰以青牛白馬祭天地

大赦改元天顯以平渤海遣使報唐甲午復幸輝罕原作

忽汗城閱府庫物賜從臣有差以奚部長布掄原作勃王

郁自回鶻新羅吐蕃党項室韋沙陀烏爾古原作等從

征有功優加賞賚丙午改渤海國為東丹輝罕原作忽汗城

為天福冊皇太子貝原作倍為人皇王以主之以皇弟特

爾格原作迭刺為左大相渤海老相為右大相渤海司徒大

素賢為左次相耶律伊濟原作羽之為右次相赦其國內殊

死以下丁未高麗濊貊鐵驪靺鞨來貢三月戊午遣伊

勒希巴原作夷康默記左僕射韓延徽攻長嶺府甲子

祭天丁卯幸人皇王宮己巳安邊鄭頡定理三府叛遣

安圖原作安端討之丁丑三府平壬午安圖原作獻俘誅安

邊府叛帥二人癸未宴東丹國僚佐頒賜有差甲申幸

天福城乙酉班師以大譚譔舉族行夏四月丁亥朔次

繖子山辛卯人皇王率東丹國僚屬辭是月唐養子李

嗣源反郭存謙弒其主存勛嗣源遂即位五月辛酉南

海定理二府復叛大元帥耀庫濟原作堯骨討之六月丁酉

二府平丙午次慎州唐遣姚坤以國哀來告秋七月丙

辰鐵州刺史衛鈞反乙丑耀庫濟原作堯骨攻拔鐵州庚午
東丹國左大相特爾格原作迭刺卒辛未衛送大譚譔于皇
都西築城以居之賜譚譔名曰烏勒呼原作魯古妻曰阿
勒扎原作里只盧龍行軍司馬張崇叛奔唐甲戌次扶餘
府上不豫是夕大星隕於幄前辛巳平旦子城上見黃
龍繚繞可長一里光耀奪目入於行宮有紫黑氣蔽天
踰日乃散是日上崩年五十五天贊三年上所謂丙戌
秋初必有歸處至是乃驗壬午皇后稱制權決軍國事
八月辛卯康默記等攻下長嶺府甲午皇后奉梓宮西
還壬寅耀庫濟原作堯骨討平諸州奔赴行在乙巳人皇王
貝原作倍繼至九月壬戌南府宰相蘇薨丁卯梓宮至皇
都權殯於子城西北己巳上諡昇天皇帝廟號太祖冬
十月盧龍軍節度使盧國用叛奔於唐十一月丙寅殺

南院額爾奇木原作南堯耶律迪里原作迭里耶律畢老
原魯等二年八月丁酉葬太祖皇帝於祖陵置祖州天
城軍節度使以奉陵寢統和二十六年七月進諡大聖
大明天皇帝重熙二十一年九月加諡大聖大明神烈
天皇帝太祖所崩行宮在扶餘城西南兩河之間後建
昇天殿於此而以扶餘為黃龍府云
贊曰遼之先出自炎帝世為森濟原作審吉國其可知者蓋
自奇善原作奇首云奇善生郡庵山徙潢河之濱傳至聶咭
原雅里始立制度置官屬刻木為契定地為牢讓蘇爾威
原阻午而不肯自立聶咭生必塔原作毗牒必塔生海蘭原作頽
海蘭生努爾蘇原作里思大度寡欲令不嚴而人化是為
肅祖肅祖生薩喇達原作刺德嘗與黃室韋挑戰矢貫數
札是為懿祖懿祖生伊德實原作德實始教民稼穡善畜

牧國以殷富。是為元祖。元祖生色勒迪。原作撒刺的仁民愛物。始置鐵冶。教民鼓鑄。是為德祖。即太祖之父也。世為契丹約尼。原作遙輦氏之額爾奇木。原作夷商董執其政柄。德祖之弟蘇哆。原作述瀾北征伊濟。原作于厥室韋。南略易定。奚霫。始興板築。置城邑。教民種桑麻。習織組。已有廣土眾民之志。而太祖受汗。原作可汗之禪。遂建國。東征西討。如折枯拉朽。東自海。西至於流沙。北絕大漠。信威萬里。歷年二百。豈一日之故哉。周公誅管蔡。人未有能非之者。塔克原作刺安圖。原作安端之亂。太祖既貸其死。而復用之。非人君之度乎。舊史扶餘之變。亦異矣夫。

遼史卷二

十六年五月十三日丁

德陽劉子雄校字
成都方守道覆校

遼史卷三

元中書右丞相總裁托克托等修
本紀第三

太宗上

太宗孝武惠文皇帝諱德光。字德謹。小字耀庫濟。原作堯骨太祖第二子。母淳欽皇后蕭氏。唐天復二年生。神光異。常獵者獲白鹿白鷹。人以為瑞。及長。貌嚴重。而性寬仁。軍國之務多所取決。天贊元年。授天下兵馬大元帥。尋詔統六軍。南徇地。明年。下平州。獲趙思溫。張崇。回破箭。倚山呼遜。原作胡遜奚諸部。悉降。復以兵掠鎮定。所至皆堅壁。不敢戰。師次幽州。符存審拒於州南。縱兵邀擊。大破之。擒裨將裴信等數十人。及從太祖破伊奇哩。原作于厥里諸部。定河壩党項。下山西諸鎮。取回鶻單于城。東平渤

海破達囉克原作達部東西萬里所向皆有功天顯元
年七月太祖崩皇后攝軍國事明年秋治祖陵畢冬十
一月壬戌人皇王貝原作率羣臣請於后曰皇子大元
帥勲望中外攸屬宜承大統后從之是日即皇帝位癸
亥謁太祖廟丙寅行柴冊禮戊辰還都壬申御宣政殿
羣臣上尊號曰嗣聖皇帝大赦有司請改元不許十二
月庚辰尊皇太后為太皇太后皇后為應天皇太后立
如蕭氏為皇后禮畢閱近侍班局辛巳諸道將帥辭歸
鎮己丑祀天地庚寅遣使諭諸國辛卯閱羣牧於近郊
戊戌女直遣使來貢壬寅謁太祖廟甲辰閱旗鼓客省
諸局官屬丁未詔選約尼原作氏九帳子弟可任官者
三年春正月己酉閱北剋兵籍庚戌閱南剋兵籍丁巳
閱皮室伊喇原作摩哩原作三軍己未黃龍府羅寧原作

羅河女直達囉克原作來貢庚午以王郁為興國軍
節度使守中書令二月幸長樂己亥特哩衮原作納爾
琿原作進白狼辛丑達囉克原作來貢三月乙卯
東蒐癸亥獵殺獐山乙丑獵松山唐義武軍節度使王
都遣人以定州來歸唐主出師討之使來乞援令奚圖
哩原作塔拉原作往救之四月戊寅東巡己卯祭鹿
神丁亥於獵所縱公私取羽毛革木之材甲午取箭材
赤山丙申獵三山塔拉原作敗唐將王宴球於定州唐
兵大集塔拉原作請益師辛丑命特哩衮原作納爾琿
里原作都統察喇原作赴之五月丙午建天膳堂獵索
羅原作山戊申至自獵丁卯命林牙圖魯卜原作突討
烏爾古原作部己巳女直來貢六月己卯行色克色哩
瑟原作禮秋七月丁未圖魯卜原作獻討烏爾古原作

捷壬子王都奏唐兵破定州塔拉原作鐵刺死之納爾琿原作

涅里察喇原作查刺等數十人被執上以出師非時甚悔之

厚賜戰歿將校之家庚午有事於太祖廟八月丙子突

厥來貢庚辰詔建應天皇太后誕聖碑於儀坤州九月

己卯圖魯卜原作突遣人獻討烏爾古原作烏古俘癸未詔

分賜羣臣己丑幸人皇王貝原作倍第庚寅遣人使唐辛

卯再幸人皇王第癸巳有司請以上生日為天授節皇

太后生日為永寧節冬十月癸卯朔以永寧節上率羣

臣上壽於延和宮己酉謁太祖廟唐遣使遺玉笛甲子

天授節上御五鸞殿受羣臣及諸國使賀十一月丙子

布古德原作鼻來貢辛丑自將伐唐十二月癸卯祭天

地庚戌聞唐主復遣使來聘上問左右皆曰唐數遣使

來實畏威也未可輕舉觀釁而動可也上然之甲寅次

杏塌唐使至遂班師時人皇王在皇都詔遣耶律伊濟

原作羽之遷東丹民以實東平其民或亡入新羅女直因詔

困乏不能遷者許上國富民給贍而隸屬之升東平郡

為南京

四年春正月壬申朔宴羣臣及諸國使觀俳優角觝戲

己卯如瓜塌二月庚戌閱約尼原作遙輦氏戶籍三月甲午

望祀羣神夏四月辛亥至自瓜塌壬子謁太祖廟癸丑

謁太祖行宮甲寅幸天城軍謁祖陵辛酉人皇王貝原作

倍來朝癸亥錄囚五月癸酉謁二儀殿宴羣臣女直來

貢戊子射柳於太祖行宮癸巳行色克色哩原作瑟禮六

月丙午圖魯卜原作突獻烏爾古原作烏古俘戊申分賜將

士己酉西巡己未選輕騎數千獵近山癸亥駐蹕涼陁

秋七月庚辰觀市曲赦繫囚甲午祠太祖而東八月辛

丑至自涼陁謁太祖廟癸卯幸人皇王第己酉謁太祖廟九月庚午如南京戊寅祠木葉山己卯行再生禮癸巳至南京冬十月壬寅幸人皇王第宴羣臣甲辰幸諸營閱軍籍庚戌以雲中郡縣未下大閱六軍甲子詔皇弟魯呼原作李胡帥師趣雲中討郡縣之未附者十一月丙寅朔以出師告天地丁卯餞皇弟魯呼原作李胡於西郊壬申命大內特哩衮原作惕隱告出師於太祖行宮甲申觀漁三叉口十二月戊申女直來貢戊午至自南京五年春正月庚午皇弟魯呼原作李胡拔寰州捷至甲午朝皇太后二月己亥詔修南京癸卯魯呼原作李胡還自雲中朝於行在丙午以先所俘渤海戶賜魯呼原作李胡丙辰上與人皇王朝皇太后太后以皆工書命書於前以觀之辛酉召羣臣議軍國事三月丙寅朝皇太后丁卯皇弟

魯呼原作李胡請赦宗室錫里原作舍利郎君以罪繫獄者詔從之己巳幸皇叔安圖原作安端第辛未人皇王獻白紵乙亥冊皇弟魯呼原作李胡為壽昌皇太子兼天下兵馬大元帥壬午以龍化州節度使劉居言同中書門下平章事乙酉宴人皇王僚屬便殿庚寅駕發南京夏四月乙未詔人皇王先赴祖陵謁太祖廟丙辰會祖陵人皇王歸國五月戊辰詔修襄潭離宮乙酉謁太祖廟六月己亥射柳於行在乙卯如沿柳湖丁巳拜太祖御容於明殿己未達魯特原作烈德來貢秋七月壬申烏爾古原作烏古來貢戊子薦時果於太祖廟八月丁酉以大聖皇帝皇后宴寢之所號日月宮因建日月碑丙午如九層臺九月己卯詔錫里原作舍利布琳原作普寧撫慰人皇王庚辰詔置人皇王儀衛丁亥至自九層臺謁太祖廟冬十月戊戌遣使

賜人皇王昨癸卯建太祖聖功碑於舒伊旺尼珠瑋溫原作如延甲辰人皇王進玉笛十一月戊寅東丹奏人正集會竭皇王浮海適唐

六年春正月甲子西南邊將以慕化哈噶斯原作轄國夏斯人來乙丑達魯特原作敵來貢丁卯如南京三月辛未

召大臣議軍國事丁亥人皇王貝原作妃蕭氏率其國僚屬來見夏四月己酉唐遣使來聘是月置中臺省於

南京五月乙丑祠木葉山乙亥至自南京壬午謁太祖陵閏月庚寅射柳於近郊六月壬申如涼陁壬午烏爾

古原作來貢秋七月丁亥女直來貢己酉命將校以兵南略王子薦時果於太祖廟東幸八月庚申皇子舒嚕

原作生告太祖廟辛巳布古德原作鼻來貢九月甲午述律鐵驪來貢十一月乙酉唐遣使

來聘十二月甲寅朔祭太祖廟丙辰遣人以詔賜唐盧龍軍節度使趙德鈞

七年春正月壬辰征西將軍科里原作遣伊喇原作多科奏軍事己亥唐遣使來聘癸卯遣人使唐戊申

祠木葉山二月壬申伊喇原作迪里使吳越還吳越王遣使從獻寶器復遣使持幣往報之三月己丑林牙德

勒賓原作指斥乘輿囚之丁未遣使諸國戊申上率羣臣朝於皇太后夏四月甲戌唐遣使來聘致人皇王

貝原作書己卯女直來貢五月壬午朔幸祖州謁太祖陵六月戊辰御製太祖建國碑戊寅烏爾古原作達魯

原作敵來貢庚辰觀角觝戲秋七月辛巳朔賜中外官吏物有差癸未賜高年布帛丙戌召羣臣耆老議政壬辰唐遣使遺紅牙笙癸巳使復至懼報定州之役也

壬寅唐盧龍軍節度使趙德鈞遣人進時果丁未薦新

於太祖廟八月壬戌捕鵝於沿柳湖風雨暴至舟覆溺

死者六十餘人命存恤其家識以為戒戊辰林牙德勒

賓原作迪逸囚復獲而鞠之知其事本誣搆釋之九月

庚子商畢準布原作阻來貢冬十月乙卯唐遣使來聘己巳遣

使雲中十一月丁亥遣使存問呼哩原作獲里國丁未準布

原作阻貢海東青鷗三十連十二月辛亥以叛人納爾琿

家口分賜羣臣丁巳西狩駐蹕平地松林

八年春正月戊子女直來貢庚子命皇太弟魯呼原作李胡

左威衛上將軍色克原作撒割率兵伐党項癸卯上親餞之

二月辛亥吐谷渾準布原作阻來貢乙卯剋實魯原作實魯使

唐還以附獻物分賜羣臣三月辛卯皇太弟討党項勝

還宴勞之丙申唐遣使請罷征党項兵上以戰捷及党

項已聽命報之夏四月戊午党項來貢五月己丑獵獨

牛山特哩袞原作楊隱達年所乘內廐騮馬斃因賜名其山

曰騮山戊戌如沿柳湖六月甲寅準布原作阻來貢甲子

回鶻阿爾斯蘭原作薩蘭來貢秋七月戊寅行納后禮癸

未皇子特哩袞原作商古生丁亥鐵驪女直準布原作阻來

貢冬十月乙巳準布原作阻來貢丙午至自沿柳湖辛亥

唐遣使來聘己未遣巴拉原作拔刺使唐辛未烏爾古原作烏古

圖魯木原作魯沒來貢十一月辛丑太皇太后崩遣使告

哀於唐及人皇王貝原作倍是月唐主嗣源殂子從厚立

十二月丁卯党項來貢

九年春正月癸酉漁於土河丙申党項貢駝鹿己亥南

京進白麀閏月戊午唐遣使告哀即日遣使弔祭壬戌

東幸女直來貢二月壬申祠木葉山戊寅葬太皇太后

於德陵前二日發喪於葦塗殿上具衰服以送後追諡宣簡皇后詔建碑於陵二月癸卯女直來貢夏四月唐李從珂弒其主自立人皇王貝原作倍自唐上書請討五月甲辰如沿柳湖癸丑女直來貢大星晝隕六月己巳朔布古德原作鼻骨德來貢辛未唐李從厚謝弔祭所遣使初至闕秋八月壬午自將南伐乙酉伊喇原作嘉哩解手接飛雁上異之因以祭天地九月庚子西南星隕如雨乙卯次雲州丁巳拔河陰冬十月丁亥略地靈邱父老進牛酒犒師十一月辛丑圍武州之陽城壬寅陽城降癸卯斡齊爾原作注只城降括所俘丁壯籍於軍十二月壬辰皇子安巴薩哈勒原作撒葛里生皇后不豫是月駐蹕百湖之西南十年春正月戊申皇后崩於行在二月戊寅百僚請加

追諡不許辛巳宰相納爾琿原作涅里衮謀南奔事覺執之三月戊午党項來貢夏四月吐谷渾酋長推勒伊德原作退欲率眾內附丙戌皇太后父族及母前夫之族二帳並為國舅以蕭默色原作緬思為尚父領之己丑錄囚五月甲午朔始製服行后喪丙午葬於奉陵上自製文諡曰彰德皇后癸丑以錫里原作舍利王庭鶚為龍化州節度使六月乙丑托歡原作吐渾來貢辛未幸頻布里原作不里淀秋七月乙卯獵納卜齊原作南赤山冬十一月丙午幸宏福寺為皇后飯僧見觀音畫像乃大聖皇帝應天皇后及人皇王所施顧左右曰昔與父母兄弟聚觀於此歲時未幾今我獨來悲歎不已乃自製文題於壁以極追感之意讀者悲之十二月庚辰如金瓶樂遣伊喇原作拽刺華格原作科爾羅魯里和囉木薩噶原作魯掃姑等捉生敵境

十一年春正月釣魚於土河庚申如潢河三月庚寅朔
 女直來貢夏四月庚申謁祖陵戊辰還都謁太祖廟辛
 未燕民之復業者陳汴州事宜癸酉女直諸部來貢癸
 未賜回鶻使衣有差五月戊戌清暑沿柳湖六月戊午
 朔布古德原作鼻來貢乙酉吐谷渾來貢秋七月辛卯
 烏爾古原作烏古來貢壬辰佛古寧原作蒲公主率三河烏
 爾古原作烏古來朝丙申唐河東節度使石敬瑭為其主所
 討遣趙瑩因西南路招討羅卜科原作盧求救上白太
 后曰李從珂弒君自立神人共怒宜行天討時趙德鈞
 亦遣使至河東復遣桑維翰來告急遂許興師八月己
 未遣蕭轄哩原作轄里報河東師期丙寅吐谷渾來貢庚午
 自將以援敬瑭九月癸巳有飛鷲自墜而死南府額爾
 奇木原作夷和掄原作魯恩得之以獻卜之吉上曰此從

珂自滅之兆也丁酉入雁門戊戌次忻州祀天地己亥
 次太原庚子遣使諭敬瑭曰朕興師遠來當即與卿破
 賊會唐將高行周符彥卿以兵來拒遂勒兵陳於太原
 及戰佯為之却唐將張敬達楊光遠又陳於西未成列
 以兵薄之而行周彥卿為伏兵所斷首尾不相救敬達
 光遠大敗棄仗如山斬首數萬級敬達走保晉安寨額
 爾奇木原作夷達魯原作魯與戰死之敬瑭率官屬來見
 上執手撫慰之癸卯圍晉安甲辰以達魯原作魯子圖勒
 埤原作徒嗣為額爾奇木原作夷仍以父字為名以旌
 其忠南宰相呼喇台原作鶻奚監軍伊聶濟原作寅將
 軍布哈原作陪阿臨陣退懦上召切責之冬十月甲子封敬
 瑭為晉王幸其府敬瑭與妻李氏率其親屬捧觴上壽
 初圍晉安分遣精兵守其要害以絕援兵之路而李從

珂遣趙延壽以兵二萬屯團柏谷。范延廣以兵二萬屯遼州。幽州趙德鈞以所部兵萬餘由上黨趨延壽軍。合勢進擊。知此有備。皆逗留不進。從珂遂將精騎三萬出次河橋。親督諸軍。然知其不救。但日酣飲悲歌而已。丁卯召敬瑭。至行在所。賜坐上。從容語之曰。吾三千里舉兵而來。一戰而勝。殆天意也。觀汝雄偉宏大。宜受茲南土。世爲我藩輔。遂命有司設壇晉陽。備禮冊命。十一月丁酉。冊敬瑭爲大晉皇帝。自戊戌至戊申。候騎兩奏南有兵至。復奏西有兵至。命特哩袞原作楊隱迪輦原作注鞞拒之。敬瑭在圍八十餘日。內外隔絕。軍儲殆盡。至濯馬糞屑木以飼馬。馬飢。至自相啖。其駿尾死。則以充食。光遠等勸敬瑭出降。敬瑭曰。吾有死而已。爾欲降。寧斬吾首以降。閏月甲子。楊光遠安審琦殺敬瑭以降。上聞敬瑭

至死不變。謂左右曰。凡爲人臣。當如此也。命以禮葬。所降軍士及馬五千匹。以賜晉帝。丙寅祀天地。以告成功。庚午。僕射蕭庫克克齊原作古只奏。趙德鈞等諸援兵將遁。詔夜發兵追擊。德鈞等軍皆投戈棄甲。自相蹂踐。擠於川谷者。不可勝紀。仍命皇太子馳輕騎據險要。追及步兵萬餘。悉降之。辛未。兵度團柏谷。以酒肴祀天地。俄追及德鈞父子。乃率眾降。次潞州。召諸將議。皆請班師。從之。命南宰相吉琳原作解頴呼喇台原作離底奚監軍伊聶濟原作你已將軍布哈原作陪阿先還。王申特哩袞原作楊隱幹原作注林牙德勒賓原作離畢來獻俘。晉帝辭歸。上與飲宴。酒酣。執手約爲父子。以白貂裘一。廐馬二十。戰馬千二百。餞之。命德勒賓原作離畢將五千騎送入洛。臨別。謂之曰。朕留此候亂定。乃還耳。辛巳。晉帝至河陽。李從珂窮蹙。

召人皇王貝原作倍同死不從遣人殺之乃舉族自焚詔收其士卒戰歿者瘞之汾水上以為京觀晉命桑維翰為文紀上功德十二月乙酉朔遣近侍塔魯原作捷魯存問晉帝丙戌以晉安所獲分賜將校戊子遣使馳奏皇太后及報諸道師還庚寅發太原辛卯聞晉帝入洛遣郎君濟勒台原作解里德撫問壬辰次細河閱降將趙德鈞父子兵馬戊戌次雁門以沙太保所部兵分隸諸將庚戌幸應州癸丑唐大同彰德振武三節度使迎見留之不遣

十二年春正月丙辰次堆子口唐大同軍節度判官吳巒閉城拒命遣崔廷勳圍其城庚申上親征至城下諭之巒降辛酉射鬼箭於雲州北壬戌祀天地癸亥遣國舅安圖原作安端發奚西部民各還本土丙寅皇太后遣侍

衛實嚙原作實魯趣行是夕率輕騎先進丁丑皇子舒嚙原作述迎謁於灤河告功太祖行宮戊寅朝於皇太后進珍

玩為壽二月丁亥以軍前所獲俘叛入幽州者皆斬之

壬寅詔諸部休養士卒癸卯晉遣唐所掠郎君埒克原作

刺文班吏蕭岱爾原作解里還朝三月庚申晉遣使來貢丁

卯晉天雄軍節度使范延廣潛遣人請內附不納己巳

遣郎君達里庫原作的烈古美楞原作的梅里德呼原作的迭烈使晉壬午

晉使及諸國使來見夏四月甲申地震幸平地松林觀

潢水源五月甲寅幸頻蹕淀壬申震開皇殿六月甲申

晉遣戶部尚書聶延祚等請上尊號及歸雁門以北與

幽薊之地仍歲貢帛三十萬疋詔不許庚戌侍中羅索

原作列率言范延廣叛晉引兵南向秋七月辛亥朔詔諸部

治兵甲癸丑幸懷州謁奉陵甲子晉遣使來告范延廣

遼史卷三
反庚午遣耶律尼古呼原作裏古皇使晉議軍事八月癸未
晉遣使復請上尊號不許庚寅晉及太原劉知遠南唐
李昇各遣使來貢庚子晉遣使以都汴及范延廣降來
告九月壬子布古德原作鼻骨德來貢庚申遣珠勒呼原作直里
古使晉及南唐癸亥珠巴克原作朮不姑女直來貢辛未遣
使高麗鐵驪癸酉回鶻來貢冬十月庚辰朔皇太后永
寧節晉及回鶻燉煌諸國皆遣使來賀壬午詔回鶻使
呼爾察原作胡離只阿勒巴原作阿刺保問其風俗丁亥諸國使
還就遣富勒呼原作蒲里骨皮室哈瑪爾原作胡未里使其國十
一月己未遣使求醫於晉丁卯鐵驪來貢十二月甲申
東幸祠木葉山己丑醫來
昭和十二年五月十六日金曜日朝了此卷
德陽劉子雄校字
成都方守道覆校

遼史卷四

元中書右丞相總裁托克托等修
本紀第四

太宗下

會同元年春正月戊申朔晉及諸國遣使來賀晉使且
言已命和凝撰聖德神功碑戊辰遣人使晉二月壬午
室韋進白鹿戊子鐵驪來貢丁酉獵松山戊戌幸遼河
東丙午上思人皇王遣特哩衮原作惕隱率宗室以下祭其
行宮丁未詔增晉使所經供億戶三月壬戌將東幸三
剋言農務方興請減輜重促還期從之丙寅女直來貢
癸酉東幸夏四月戊寅朔如南京甲申女直來貢乙酉
幸溫泉己丑還宮朝於皇太后丁酉女直貢弓矢己亥
西南邊大詳袞原作詳穩耶律羅卜科原作魯不古奏党項捷五

月甲寅晉復遣使請上尊號從之六月丙子朔吐谷渾
及女直來貢辛卯南唐來貢癸巳詔建日月四時堂圖
寫古帝王事於兩廡秋七月癸亥遣使賜晉馬丁卯遣
呼喇台原作鶻使晉美楞原作梅里拉呼遣使南唐戊辰
遣中臺省右相耶律蘇呼原作述蘭特爾格原作烈哥使晉臨
海軍節度使趙思溫副之冊晉帝為英武明義皇帝八
月戊子女直來貢庚子吐谷渾烏孫靺鞨皆來貢九月
庚戌黑車子室韋貢名馬邊臣奏晉遣守司空馮道左
散騎常侍韋勳來上皇太后尊號左僕射劉煦右諫議
大夫盧重上皇帝尊號遂遣監軍伊聶濟原作寅充接
伴壬子詔羣臣及高年凡授大臣爵秩皆賜錦袍金帶
白馬金飾鞍勒著於令冬十月甲戌朔遣郎君特哩袞
原作迪等撫問晉使壬寅晉遣使來謝冊禮是日復有

使進獨峯駝及名馬十一月甲辰朔命南北宰相及額
爾奇木原作夷就館賜晉使馮道以下宴丙午上御開
皇殿召見晉使壬子皇太后御開皇殿馮道韋勳冊上
尊號曰廣德至仁昭烈崇簡應天皇太后甲子行再生
柴冊禮丙寅皇帝御宣政殿劉煦盧重冊上尊號曰睿
文神武法天啟運明德章信至道廣敬昭孝嗣聖皇帝
大赦改元會同是月晉復遣趙瑩奉表來賀以幽薊瀛
莫涿檀順媯儒新武雲應朔寰蔚十六州并圖籍來獻
於是詔以皇都為上京府曰臨潢升幽州為南京南京
為東京改新州為奉聖州武州為歸化州升北南二院
及伊實原作乙室額爾奇木原作夷為王以主簿為令為
刺史刺史為節度使二部德里吉原作梯為司徒達爾
罕原作達為副使瑪爾布原作麻為縣令縣達爾罕原作

達刺為馬步置宣徽閣門使控鶴客省御史大夫中丞

侍御判官文班牙署諸宮院實珠原作世燭馬羣約尼原作遙葦

寶珠原作世燭南北府國舅帳郎君官為敝史諸部宰相節

度使帳為司空二室韋達林原作闕林為僕射鷹坊監冶等

局官長為詳袞原作詳穩十二月戊戌遣通果原作同括阿巴原作

阿鉢等使晉制加晉馮道守太傅劉煦守太保餘官各有

差

二年春正月乙巳以受晉冊遣使報南唐高麗丁未御

開皇殿宴晉使馮道以下賜物有差戊申晉遣金吾衛

大將軍馬從斌考功郎中劉知新來貢珍幣命分賜羣

臣丙辰晉遣使謝免沿邊四州錢幣二月戊寅宴諸王

及節度使來賀受冊禮者仍命皇太子特哩袞原作惕隱達

年饑之癸巳謁太祖廟賜在京吏民物及內外羣臣官

賞有差丁卯加兼侍中左金吾衛上將軍王鄧檢校太

尉三月敗於蕩潭之側戊申女直來貢丁巳封皇子舒

嚕原作述律為壽安王雅斯哈原作撒葛為太平王己巳大賚

百姓夏四月乙亥幸木葉山癸巳東京路奏狼食人五

月乙巳禁南京鬻牝羊出境薩納噶原作思奴古多囉原作多里

等坐盜官物籍其家南唐遣使來貢丁未以所貢物賜

羣臣戊申回鶻單于使人乞授官詔第加刺史縣令六

月丁丑雨雪是夏駐蹕頻蹕淀秋七月戊申晉遣使進

犀帶庚戌吐谷渾來貢乙卯敝史阿巴原作阿鉢坐奉使失

職命笞之閏月癸未伊實原作乙室大王坐賦調不均以木

劍背撻而釋之并罷南北府民上供及宰相節度諸賦

役非舊制者乙酉遣迪里原作烈賜晉烏爾古原作烏古良馬

己丑以南王府二刺史貪蠹各杖一百仍繫虞候帳備

射鬼箭。選羣臣為民所愛者代之。八月乙丑，晉遣使貢歲幣。奏輸戊亥二歲金幣於燕京。九月甲戌，準布原作阻卜阿勒達原作阿來貢。己卯，遣使使晉。冬十月丁未，上以烏爾古原作烏古部水草肥美，詔北南院徙三錫林原作石烈戶居之。十一月丁亥，鐵驪燉煌，並遣使來貢。十二月庚子，釣魚於土河。甲午，回鶻使者僉人有以刃相擊者，詔付其使處之。

三年春正月戊子，吳越王遣使來貢。庚寅，人皇王妃來朝。回鶻使乞觀諸國使朝見禮，從之。壬辰，遣陪謁阿巴原作阿鉢使晉，致生辰禮。晉以并鎮忻代之吐谷渾來歸。二月己亥，奚王喇呼鼐原作勞率六節度使朝貢。庚子，烏爾古原作烏古遣使獻伏鹿國俘，賜其部額爾奇木原作夷。旗鼓以旌其功。壬寅，女直來貢。辛亥，摩哩拉呼摩哩原作

墨離鶻使回鶻阿爾斯蘭原作阿薩蘭還，賜對衣勞之。乙卯，鴨淥江女直遣使來覲。三月戊辰，遣使使晉報幸南京。己巳，如南京。辛未，命特哩衮原作楊隱耶律努特原作涅、德骨率萬騎先驅。壬申，次石嶺，以奚王喇呼鼐原作勞、監軍伊聶濟原作寅朝謁，不時切責之。丙子，羅卜科原作魯不、姑上党項俘獲數。癸未，獵水門，獲白鹿。庚寅，詔扈從擾民者從軍。律甲午，幸薊州。乙未，晉及南唐各遣使來覲。夏四月庚子，至燕，備法駕入自拱辰門。御元和殿，行入閣禮。壬寅，遣人使晉。乙巳，幸留守趙延壽別墅。丙午，晉遣宣徽使楊端、王眺等來問起居。壬子，御便殿，宴晉及諸國使。丙辰，晉遣使進茶藥。壬戌，御昭慶殿，宴南京羣臣。癸亥，晉遣使賀端午，以所進節物賜羣臣。乙丑，南唐進白龜。五月庚午，以端午宴羣臣及諸國使，命回鶻燉

煌二使作本俗舞俾諸使觀之庚辰晉遣使進弓矢甲
 申遣皇子天德及檢校司徒邸用和使晉戊子閱騎兵
 於南郊六月乙未朔東京宰相耶律伊濟原作羽言渤海
 相大素賢不法詔僚佐部民舉有才德者代之丙申閱
 步卒於南郊庚子晉及錫爾固勒濟原作轄遣使來見
 壬寅駕發燕京命中書令蕭僧隱部諸道軍於長坐營
 癸丑次奉聖州甲寅勞軍士秋七月己巳獵哈達拉原作
獵底山癸酉朝於皇太后丙子從皇太后視人皇王妃
 疾戊寅人皇王妃蕭氏薨己卯以安重榮據鎮州叛晉
 詔征南將軍柳巖邊備丙戌徙人皇王行宮於其妃薨
 所辛卯晉遣使請行南郊禮許之八月己亥詔東丹吏
 民為其王貝原作倍妃蕭氏服庚子準布原作阻來貢壬寅
 遣使南唐乙巳準布原作阻黑車子室韋塔里原作質烈等國

姊妹續之法

來貢南唐遣使求青氊帳賜之戊申以安圖原作安端私城
 為白川州辛亥布古德原作骨德使乞賜爵以其國相授
 之甲寅準布原作阻來貢乙卯置白川州官屬丙辰詔以
 伊奇哩原作諧里河臚胸河之近地給賜南院鄂津特埒
 哩原作歐伊遜巴勒原作斯勃乙北院烏納哈喇原作溫三
 錫林原作百烈人為農田九月庚午侍中崔窮古言晉主聞
 陛下數游獵意請節之上曰朕之畋獵非徒從樂所以
 練習武事也乃詔諭之壬午邊將奏破吐谷渾擒其長
 詔止誅其首惡及其丁壯餘並釋之丙戌晉遣使貢名
 馬戊子女直及吳越王遣使來貢冬十月辛丑遣剋朗
 使吳越魯庫原作略姑使南唐庚申晉遣使貢布及請親祠
 南嶽從之十一月己巳南唐遣使奉蠟丸書言晉密事
 丁丑詔有司教民播種紡績除娣亡妹續之法十二月

壬辰朔率百僚謁太祖行宮甲午燔柴禮畢祠於神帳
丙申遣使使晉丙辰詔契丹人授漢官者從漢儀聽與
漢人婚姻丁巳詔燕京皇城西南堞建涼殿是冬駐蹕
於織原作淀

四年春正月壬戌以伊實原作乙室彭布原作託果突軌原作三

部鰥寡不能自存者官為之配丙子南唐遣使來貢庚
辰納喇原作威烏隗部獻党項俘獲數已丑詔定征党

項功二月丙申皇太子獲白驪甲辰晉遣使進香藥丙
午鐵驪來貢丁巳詔有司編始祖奇善汗原作奇事迹

已未晉遣楊彥詢來貢且言鎮州安重榮跋扈狀遂留
不遣是月晉鎮州安重榮執遼使者伊喇三月特授回

鶻使科里原作潤里裕悅原作于越并賜旌旗弓劍衣馬餘賜有
差癸酉晉以許祀南郊遣使來謝進黃金十鑑夏四月

巳卯晉遣使進櫻桃五月庚辰吐谷渾額爾奇木原作夷

蘇等叛入晉遣德哂原作牒往諭晉及太原守臣六月
辛卯振武軍節度副使趙崇逐其節度使耶律華喇原作

里畫以朔州叛附晉丙午命宣徽使尼古察原作裏赴朔
州以兵圍其城有晉使至請開壁即勿聽驛送闕下秋

七月癸亥南唐遣使奉蠟丸書丙寅尼古察原作裏奏
晉遣使至朔令降守者猶堅壁弗納且言晉有貢物命

即以所貢物賜攻城將校己巳有司奏神蠹車有蜂巢
成蜜史占之吉壬申晉遣使進水晶硯八月癸巳南唐

奉蠟丸書庚子晉遣使進犀弓竹矢吳越王遣使奉蠟
丸書九月壬申有星孛於晉分丁丑幸歸化州冬十月

辛丑有司奏燕薊大熟癸卯吳越王遣使來貢十一月
丙寅晉以討安重榮來告庚午吐谷渾請降遣使撫諭

準布原作阻卜來貢以其物賜左右丙子鴨綠江女直來貢
壬午以永寧天授二節及正旦重午冬至臘並受賀著
令十二月戊子晉遣使來告山南節度使安從進反詔
以便宜討之庚寅南唐遣使奉蠟丸書戊戌晉遣王昇
鸞來貢戊申晉以敗安重榮來告遂遣楊彥詢歸辛亥
晉遣使乞罷戍兵詔特哩袞原作楊隱碩格原作朔古班師甲寅
攻拔朔州遣控鶴指揮使轄哩原作諾里勞軍時尼古察原作
裏古戰歿城下上怒命誅城中丁壯仍以叛民上戶三
十為尼古察原作裏古部曲
五年春正月丙辰朔上在歸化州御行殿受羣臣朝以
諸道貢物進太后及賜宗室百僚戊午詔求直言北王
府郎君耶律哈斯原作海思應詔召對稱旨特授宣徽使詔
政事令僧隱等以契丹戶分屯南邊戊辰晉函安重榮

遂

首來獻上數欲親討重榮至是乃止癸酉遣使使晉是
月晉以朔州平遣使來賀遂遣客省使耶律華格原作化哥
使晉併致生辰禮二月壬辰上將南幸以諸路有未平
者召太子及羣臣議皆曰今襄鎮朔三州雖已平然吐
谷渾為安重榮所誘猶未歸命宜發兵討之以警諸部
上曰正與朕意合遂詔以明王溫原作隈恩代裕悅原作于越新
原作信恩為西南路招討使以討之且諭明王宜先練習邊
事而後之官甲午如南京遣使使晉索吐谷渾叛者乙
未布古德原作骨德來貢三月乙卯朔晉遣齊州防禦使
宋暉業翰林祭酒使張言來問起居閏月駐蹕陽門夏
四月甲寅朔鐵驪來貢以其物分賜羣臣丙子晉遣使
進射柳鞍馬五月五日戊子禁屠宰六月癸丑朔晉齊
王重貴遣使來貢丁巳托克托呼原作覲古蘇色原作素撒來

始有南伐之意

貢乙丑。晉主敬瑭殂。子重貴立。戊辰。晉遣使告哀。報朝。七日。庚午。遣使往晉。弔祭。丁丑。聞皇太后不豫。上馳入侍。湯藥必親嘗。仍告太祖廟。幸菩薩堂。飯僧五萬人。七月。乃愈。秋七月。庚寅。晉遣金吾衛大將軍梁言判四方館事。朱崇節來謝。書稱孫不稱臣。遣客省使喬榮讓之。景延廣荅曰。先帝則聖朝所立。今主則我國自冊。為鄰之意。辛卯。準布原作阻卜布古德原作鼻烏爾古原作烏古來貢。將軍當達里原作德里布爾古原作蒲骨等率降將希達原作轄德至闕。并獻所獲。丁未。晉遣使以祖母哀來告。八月。辛酉。女直準布原作阻卜烏爾古原作烏古各貢方物。甲子。晉復襄州。戊辰。詔河東節度使劉知遠送叛臣烏爾古原作烏古。使由燕京赴闕。癸酉。遣天城軍節度使蕭拜牲原作拜石弔

祭於晉。九月。壬辰。遣使賀晉帝嗣位。冬十月。己巳。徵諸道兵。遣將軍默赫特原作密骨德伐党項。十一月。己未。武定軍奏。松生棗。十二月。癸亥。晉遣使來謝。是冬。駐蹕赤城。六年。春二月。乙卯。晉遣使進先帝遺物。辛酉。晉遣使請居汴。從之。三月。己卯。朔。吳越王遣使來貢。甲申。美楞原作梅托津喘原作引來歸。戊子。南唐遣使奉蠟丸書。丁未。晉以至汴。遣使來謝。夏四月。戊申。朔。日有食之。五月。己亥。遣使如晉。致生辰禮。六月。丁未。朔。鐵驪來貢。己未。奚楚庫勒原作鋤骨里部進白麝。辛酉。莫州進白鵲。晉遣使貢金。秋八月。丁未。朔。晉復貢金。己未。如奉聖州。晉遣其子延煦來朝。冬十一月。辛卯。上京留守耶律迪輦得晉謀。知有二心。甲辰。鐵驪來貢。十二月。丁未。如南京。議伐晉。命趙延壽趙延昭安圖原作安端嘉哩原作解里等由滄恆易定分道

而進大軍繼之。是歲楊彥昭請移鎮柰灤及新鎮。從之。
七年春正月甲戌朔。趙延壽延昭率前鋒五萬騎次任
邱。丙子安圖原作安端入雁門圍忻代。己卯趙延壽圍貝州。
其軍校邵珂開南門納遼兵。太守吳巒投井死。己丑次
元城。授延壽魏博等州節度使。封魏王。率所部屯南樂。
丙申遣兵攻黎陽。晉張彥澤來拒。辛丑晉遣使來修舊
好。詔割河北諸州及遣桑維翰景延廣來議。二月甲辰
攻博州。刺史周儒以城降。晉平盧軍節度使楊光遠密
道遼師自馬家口濟河。晉將景延廣命石斌守麻家口。
白再榮守馬家口。未幾周儒引遼軍滿達原作麻答營於河
東。攻鄆州北津。以應光遠。晉遣李守貞皇甫遇梁漢璋
薛懷讓將兵萬人緣河水陸俱進。遼軍圍晉別將于戚
城。晉主自將救之。遼師解去。守貞等至馬家口。滿達原作

麻答遣步卒萬人築營壘。騎兵萬人守於外。餘兵屯河西。
渡未已。晉兵薄之。遼軍不利。二月癸酉朔。趙延壽言。晉
諸軍沿河置柵。皆畏却。不敢戰。若率大兵直抵澶淵。據
其橋梁。晉必可取。是日晉兵駐澶淵。其前軍高行周在
戚城。乃命延壽延昭以數萬騎出行周右。上以精兵出
其左。戰至暮。上復以勁騎突其中軍。晉軍不能戰。會有
諜者言。晉軍東面數少。沿河城柵不固。乃急擊其東偏。
眾皆奔潰。縱兵追及。遂大敗之。壬午留趙延昭守貝州。
徙所俘戶於內地。夏四月癸丑還次南京。辛未如涼陘。
五月癸酉耶律巴哩岱原作拔里得奏破德州。擒刺史尹居
藩及將吏二十七人。六月甲辰黑車子室韋來貢。乙巳
紳穆哩原作緝沒里約囉原作要里等國來貢。秋七月己卯晉楊
光遠遣人奉蠟丸書。辛卯晉遣張暉奉表乞和。留暉不

遣八月辛酉回鶻遣使請婚不許是月晉鎮州兵來襲
飛狐大同軍節度使耶律恭噶原作孔阿戰敗之九月庚午
朔北幸十月丁未布古德原作鼻骨德來貢壬戌天授節諸
國進賀惟晉不至十一月壬申詔徵諸道兵以閏月朔
會溫榆河北十二月癸卯南伐甲子次古北口閏月己
巳朔閱諸道兵於溫榆河己卯圍恆州下其九縣
八年春正月庚子分兵攻邢洺磁三州殺掠殆盡入鄴
都境張從恩馬全節安審琦兵悉陳於相州安陽水之
南皇甫遇與濮州刺史慕容彥超將兵千騎來覘遼軍
至鄴都遇遼軍數萬且戰且卻至榆林店遼軍繼至遇
與彥超力戰百餘合遇馬斃步戰審琦引騎兵踰水以
救遼軍乃還二月圍魏晉將杜重威率兵來救戊子晉
將折從阮陷滕州三月戊戌師拔邳州殺其刺史沈斌

庚戌杜重威李守貞攻泰州戊午趙延壽率前鋒薄秦
城己未重威守貞引兵南遁追至陽城大敗之復以步
卒為方陣來拒與戰二十餘合壬戌復搏戰十餘里癸
亥圍晉兵於白團衛村晉兵下鹿角為營是夕大風至
曙命鐵鷄軍下馬拔其鹿角奮短兵入擊順風縱火揚
塵以助其勢晉軍大呼曰都招討何不用兵令士卒徒
死諸將皆奮出戰張彥澤藥元福皇甫遇出兵大戰諸
將繼至遼軍卻數百步風益甚晝晦如夜符彥卿以萬
騎橫擊遼軍率步卒並進遼軍不利上乘奚車退十餘
里晉追兵急獲一橐駝乘之乃歸晉兵退保定州夏四
月甲申還次南京杖戰不力者各數百庚寅宴將士於
元和殿癸巳如涼陁六月戊辰回鶻來貢辛未吐谷渾
布古德原作鼻骨德皆來貢辛巳黑車子室韋來貢丁亥趙

軍國之務愛民為本

延壽奏晉兵襲高陽戍將擊走之秋七月乙卯獵平地
松林晉遣孟守中奉表請和仍以前事荅之八月己巳
詔侍衛蕭蘇色原作素撒閱羣牧於北陞九月壬寅次赤山
宴從臣問軍國要務對曰軍國之務愛民為本民富則
兵足兵足則國強上以為然辛酉還上京冬十月辛未
祠木葉山十一月戊戌女直鐵驪來貢十二月癸亥朔
朝謁太祖行宮乙丑雲州節度使耶律恭噶原作孔阿獲晉
諜者戊辰臘賜諸國貢使衣馬

九年春正月庚子回鶻來貢丁未女直來貢二月戊辰

布古德原作骨德奏軍籍三月己亥吐谷渾遣軍校蘇略

原作恤烈獻生口千戶授蘇略原作恤烈檢校司空夏四月辛酉

朔吐谷渾伯克齊原作可久來附是月如涼陞五月庚戌

晉易州戍將孫方簡請內附六月戊子謁祖陵更闕神

殿為兵思秋七月辛亥詔徵諸道兵故傷禾稼者以軍

法論癸丑女直來貢乙卯以準布原作阻卜酋長哈喇原作曷刺

為本部額爾奇木原作商董八月丙戌烏爾古原作烏古來貢

是月自將南伐九月壬辰闕諸道兵於漁陽西棗林淀

是月趙延壽與晉張彥澤戰於定州敗之十一月戊子

朔進圍鎮州丙申先鋒候騎報晉兵至遣精兵斷河橋

晉兵退保武強南院大王達年將軍高模翰分兵由瀛

州間道以進杜重威遣貝州節度使梁漢璋率眾來拒

與戰大敗之殺梁漢璋杜重威張彥澤引兵據中渡橋

趙延壽以步卒前擊高彥溫以騎兵乘之追奔逐北殲

屍數萬斬其將王清宋彥筠墮水死重威等退保中渡

寨義武軍節度使李殷以城降遂進兵夾滹沱而營去

中渡寨三里分兵圍之夜則列騎環守晝則出兵抄掠

復命大內特哩袞

原作楊隱

耶律舒庫爾

原作背里

及趙延壽

分兵圍守自將騎卒夜渡河出其後攻下樂城降騎卒

數千分遣將士據其要害下令軍中預備軍食三日不

得舉烟火但獲晉人即黥而縱之諸饋運見者皆棄而

走於是晉兵內外隔絕食盡勢窮十二月丙寅杜重威

李守貞張彥澤等率所部二十萬眾來降上擁數萬騎

臨大阜立馬以受之授重威守太傅鄴都留守守貞天

平軍節度使餘各領舊職分降卒之半付重威半以隸

趙延壽命御史大夫嘉哩

原作解里

監軍富珠哩

原作桂兒

張

彥澤特詔入汴諭晉帝母李氏以安其意且召桑維翰

景延廣先來留騎兵千人守魏自率大軍而南壬申嘉

哩

原作解里

等至汴晉帝重貴素服拜命與母李氏奉表請

罪初重貴絕和好維翰數諫止之不從至是彥澤殺維

翰給言自經死詔收葬之復其田園地宅仍厚恤其家

甲戌彥澤遷重貴及其母若妻於開封府署以控鶴指

揮使李榮督兵衛之壬午次赤岡重貴舉族出封邱門

橐索牽羊以待上不忍臨視命改館封禪寺晉百官縞

衣紗帽俯伏待罪上曰其主負恩其臣何罪命領職如

故即授安叔千金吾衛上將軍叔千出班獨立上曰汝

邢州之請朕所不忘乃加鎮國軍節度使蓋在邢嘗密

請內附也將軍康祥執景延廣來獻詔以牙籌數其罪

凡八繫送都道自殺

大同元年春正月丁亥朔備法駕入汴御崇元殿受百

官賀戊子以樞密副使劉敏權知開封府殺秦繼旻李

彥紳及鄭州防禦使楊承勳以其弟承信為平盧軍節

度使龔父爵初楊光遠在青州求內附其子承勳不聽

通史卷四
殺其判官邱濤及弟承祚等。自歸於晉。故誅之。己丑。以張彥澤擅徙重。開封。殺桑維翰。縱兵大掠。不道。斬于市。晉人嚮食之。辛卯。降重貴。爲崇祿大夫。檢校太尉。封負義侯。癸巳。以張礪爲平章事。晉李崧爲樞密使。馮道爲太傅。和凝爲翰林學士。趙瑩爲太子太保。劉煦守太保。馮玉爲太子少保。癸卯。遣趙瑩馮玉李彥韜將三百騎送負義侯及其母李氏。太妃安氏。妻馮氏。弟重睿子延煦。延寶等。於黃龍府安置。仍以其宮女五十人。內宦三人。東西班五十人。醫官一人。控鶴四人。庖丁七人。茶酒司三人。儀鸞三人。健卒十人。從之。二月。丁巳。朔。建國號大遼。大赦。改元大同。升鎮州爲中京。以趙延壽爲大丞相。兼政事令。樞密使。中京留守。中外官僚將士。爵賞有差。辛未。河東節度使北平王劉知遠自立爲帝。國號

國號大遼

漢。詔以耿崇美爲昭義軍節度使。高唐英爲昭德軍節度使。崔廷勳爲河陽軍節度使。分據要地。三月。丙戌。朔。以蕭翰爲宣武軍節度使。賜將吏爵賞有差。壬寅。晉諸司僚吏。嬪御。宦寺。方技。百工。圖籍。曆象。石經。銅人。明堂。刻漏。大常樂。譜。諸宮。縣。鹵。簿。法物。及。鎧仗。悉送上京。磁州帥梁暉。以相州降漢。己酉。命高唐英討之。夏。四月。丙辰。朔。發自汴州。以馮道。李崧。和凝。李澣。徐台符。張礪等。從行。次赤岡。夜有聲如雷。起於御幄。大星復隕於旗鼓前。乙丑。濟黎陽渡。顧謂侍臣曰。朕此行有三失。縱兵掠芻粟。一也。括民私財。二也。不遽遣諸節度還鎮。三也。皇太弟遺使問軍前事。上報曰。初以兵二十萬降杜重威。張彥澤下鎮州。及入汴。視其官屬具員者。省之。當其才者。任之。司屬雖存。官吏廢墮。猶雛飛之後。徒有空巢。久

經離亂一至於此所在盜賊屯結土功不息餽餉非時民不堪命河東尙未歸命西路酋帥亦相黨附夙夜以思制之之術惟推心庶僚和協軍情撫綏百姓三者而已今所歸順凡七十六處得戶一百九萬百一十八非汴州炎熱水土難居止得一年太平可指掌而致且改鎮州爲中京以備巡幸欲伐河東姑俟別圖其概如此戊辰次高邑不豫丁丑崩于欒城年四十六是歲九月壬子朔葬於鳳山陵曰懷陵廟號太宗統和二十六年七月上尊諡孝武皇帝重熙三十一年九月增諡孝武惠文皇帝

贊曰太宗甫定多方遠近向化建國號備典章至於釐庶政閱名實錄囚徒教耕織配鰥寡求直言之士得郎君哈斯原作海思卽擢宣徽嘉唐張敬達忠於其君卒以禮

葬輟遊豫而納三剋之請憫士卒而下休養之令親征晉國重貴面縛斯可謂威德兼宏英略間見者矣入汴之後無幾微之驕有三失之訓傳稱鄭伯之善處勝書進秦誓之能悔過太宗蓋兼有之其卓矣乎

遼史卷四

昭和十七年五月十七日午時發之柳田氏記

德陽劉子雄校字

成都方守道覆校

Blank columns for text on the right page.

遼史卷五

元中書右丞相總裁托克托等修

本紀第五

世宗

世宗孝和莊憲皇帝諱阮原作兀欲小字烏雲原作兀欲讓國皇帝長子母柔貞皇后蕭氏帝儀觀豐偉內寬外嚴善騎射樂施予人望歸之太宗愛之如子會同九年從伐晉大同元年二月封永康王四月丁丑太宗崩於樂城戊寅梓宮次鎮陽即皇帝位於柩前甲申次定州命天德碩格原作嘉哩等護梓宮先赴上京太后聞帝即位遣太弟魯呼原作李胡率兵拒之六月甲寅朔次南京五院額爾奇木原作李胡安圖原作安端詳袞原作詳穩瑠格原作劉哥遣人馳報請為前鋒至泰德泉遇魯呼原作李胡軍戰敗之上遣郎

君勤德等詣兩軍論解秋閏七月次漢河太后魯呼原李整兵拒於橫渡相持數日用烏哲原屋質之謀各罷兵趨上京既而聞太后魯呼原李胡復有異謀遷于祖州誅司徒華沙原劃設及春博里原補里楚八月壬午朔尊母蕭氏為皇太后以太后族拉珠薩哈廉原撒古魯只為國舅帳立詳袞原詳穩以總焉以崇德宮戶分賜翼戴功臣及北院大王幹原南院大王吼各五十安圖原安博楚補各百達魯原魯塔拉原鐵刺子孫先以非罪籍沒者歸之癸未始置北院樞密使以安圖原安博為之九月壬子朔葬嗣聖皇帝於懷陵丁卯行柴冊禮羣臣上尊號曰天授皇帝大赦改大同元年為天祿元年追諡皇考曰讓國皇帝以安圖原安端原主東丹國封明王察克原察割為泰寧王瑠格原劉哥為特哩袞原楊隱高勳為南院樞密使

年

二月春五月天德蕭翰瑠格原劉哥瑣都原等謀反誅天德杖蕭翰遷瑠格原劉哥於邊罰瑣都原使哈噶斯原夏斯國漢主劉知遠殂子承祐立夏四月庚辰朔南唐遣李朗王祚來慰且賀兼奉蠟丸書議攻漢秋七月壬申皇子賢生冬十月壬午南京留守魏王趙延壽薨以中臺省右相德時原牒蠟為南京留守封燕王十一月駐蹕彰武南
二年春正月蕭翰及公主額伯哩原不里阿謀反翰伏誅額伯哩原不里阿痍死獄中庚申肆赦內外官各進一階夏六月戊寅以敝史耶律古爾錦原離軫胡為北院大王已卯特哩袞原楊隱托雲原顏昱封漆水郡王秋九月辛丑朔召羣臣議南伐冬十月遣諸將率兵攻下貝州高老鎮徇地鄴都南宮堂陽殺深州刺史史萬山俘獲甚眾

四年春二月辛未泰寧王察克原作察割來朝留侍是月建
政事省三月戊戌朔南唐遣趙延嗣張福等來賀南征
捷秋九月乙丑朔如山西冬十月自將南伐攻下安平
內邱束鹿等城大獲而還是歲冊皇后蕭氏
五年春正月癸亥朔如百泉湖漢郭威弒其主自立國
號周遣朱憲來告即遣使致良馬漢劉崇自立於太原
二月周遣姚漢英華昭允來以書辭抗禮留漢英等夏
五月壬戌朔太子太傅趙瑩薨輟朝一日命歸葬於汴
詔州縣錄事參軍主簿委政事省銓注六月辛卯朔劉
崇為周所攻遣使稱姪乞援且求封冊即遣燕王德呼
原作牒蠟樞密使高勳冊為大漢神武皇帝南唐遣蔣洪來
乞舉兵應援是夏清暑百泉嶺九月庚申朔自將南伐
壬戌次歸化州尚和原作祥古山癸亥祭讓國皇帝於行宮

羣臣皆醉察克

原作察割

反帝遇弒年三十四應歷元年葬

於顯州西山陵曰顯陵二年諡孝和皇帝廟號世宗統

和二十六年七月加諡孝和莊憲皇帝

贊曰世宗中才之主也入繼大統曾未三年納唐九書
即議南伐既乏持重宜乖周防蓋有致禍之道矣然而
孝文寬慈亦有君人之度焉未及師還變起沈湎豈不
可哀也哉

遼史卷五

德陽劉子雄校字

成都方守道覆校

遼史卷六

元中書右丞相總裁托克托等修本紀第六

穆宗上

穆宗孝安敬正皇帝諱璟小字舒嚕原作述律太宗皇帝長子母靖安皇后蕭氏會同二年封壽安王天祿五年九月癸亥世宗遇害逆臣察克原作察割等伏誅丁卯即皇帝位羣臣上尊號曰天順皇帝改元應歷戊辰如南京是月遣劉承訓告哀於漢冬十一月漢周南唐各遣使來弔乙亥詔朝會依嗣聖皇帝故事用漢禮十二月甲辰漢遣使獻弓矢鞍馬壬子鐵驪布古德原作骨德皆來貢二年春正月戊午朔南唐遣使奉蠟丸書及進犀兕甲萬屬壬戌太尉和爾郭勒濟原作忽古質謀逆伏誅二月癸

卯女直來貢三月癸亥南唐遣使奉蠟丸書丁卯復遣使來貢甲申以耶律特烈原作捷烈為南院大王夏四月丙戌朔日有食之己亥鐵驪進鷹鵠五月丙辰朔視朝壬午南唐遣使來貢六月壬辰國舅政事令蕭默赫特原作眉古宣政殿學士李澣等謀南奔事覺詔暴其罪乙未祭天地壬寅漢為周所侵遣使求援命中臺省右相高模翰赴之丁未命乳媪之兄赫嚕原作曷魯世為阿克蘇原作阿錫林原作石烈額爾奇木原作夷離婁秋七月乙亥政事令隆科原作神林牙迪里原作敵烈侍中神圖原作神都郎君哈里原作海里謀亂就戮八月己丑默赫特原作眉古隆科原作婁國等伏誅杖李澣而釋之九月甲寅朔雲州進嘉禾四莖二穗戊午詔以先平察克原作察割日用白黑羊元酒祭天歲以為常壬戌獵炭山祭天庚辰德將原作敵烈部來貢冬十月甲

申朔漢遣使進葡萄酒甲午司徒隆科原作老古等獻白雉戊申回鶻及哈噶斯原作轄夏斯皆遣使來貢十一月癸丑朔視朝己巳地震己卯日南至始用舊制行拜日禮朔州民進黑兔十二月癸未朔高模翰及漢兵圍晉州辛卯以生日飯僧釋繫囚甲辰獵於近郊祀天地辛亥明王安圖原作安端薨三年春閏正月壬午朔漢以高模翰卻周軍遣使來謝二月辛亥朔詔用嗣聖皇帝舊璽甲子太保迪里原作敵烈修易州城鎮州以兵來挑戰卻之三月庚辰朔南唐遣使來貢因附書於漢詔達之庚寅如應州擊鞠丁酉漢遣使進毬衣及馬庚子觀漁於神德湖夏四月庚申鐵驪來貢五月壬寅漢遣使言石晉樹先帝聖德神功碑為周人所毀請再刻許之六月丁卯應天皇帝崩秋

七月不視朝八月壬子以生日釋囚己未漢遣使求援

三河烏爾古原作烏古吐蕃吐谷渾布古德原作鼻皆遣使

來貢九月庚子漢遣使貢藥冬十月己酉命太師唐古

特原作唐治大行皇太后園陵魯呼原作李胡子完原作宛郎

君扎幹原作稽幹迪里原作敵烈謀反事覺辭連太平王雅斯哈

撒葛原作華割林牙華格原作華割郎君錫倫原作新羅等皆執之十一

月辛丑諡皇太后曰貞烈葬祖陵漢遣使來會冬駐蹕

奉聖州以南京水詔免今歲租

四年春正月戊寅回鶻來貢己丑華格原作華割扎幹原作稽幹

等伏誅完原作宛及雅斯哈原作撒葛皆釋之是月周主威

殂養子晉王柴榮嗣立二月丙午朔周攻漢命政事令

耶律達魯原作敵祿援之丙辰漢遣使進茶藥幸南京夏五

月乙亥忻代二州叛漢遣南院大王特烈原作撻烈助達魯

敵祿原作撻烈討之丁酉特烈原作撻烈敗周將符彥卿於忻口六月

癸亥特烈原作撻烈獻所獲秋七月乙酉漢民有為遼軍誤

掠者遣使來請詔悉歸之九月丙申漢為周人所侵遣

使來告冬十一月彭國軍節度使蕭迪里原作敵烈太保許

從贇奏忻代二州捷十二月辛酉朔謁祖陵庚午漢遣

使來貢是冬駐蹕杏壩

五年春正月辛未朔布古德原作鼻來貢二月庚子朔

日有食之庚申漢遣使請上尊號不許壬戌如裏潭夏

四月己酉周侵漢漢遣使求援癸丑命郎君蕭哈里原作

黎世為北府宰相秋九月庚辰漢主有疾遣使來告冬

十月壬申女直來貢丁亥謁太宗廟庚寅南唐遣使來

貢十一月乙未朔漢主崇殂子承鈞遣使來告且求嗣

立遣使弔祭遂封冊之十二月乙丑朔謁太祖廟辛巳

漢遣使來議軍事

六年夏五月丁酉謁懷陵六月甲子漢遣使來議軍事

秋七月不視朝九月戊午謁祖陵冬十一月壬寅布古

德原作鼻來貢十二月己未朔謁太祖廟

七年春正月庚子布古德原作鼻來貢二月辛酉南唐

遣使奉蠟丸書辛未駐蹕潢河夏四月戊午朔還上京

初女巫錫庫原作肖古上延年藥方當用男子膽和之不數

年殺人甚多至是覺其妄辛巳射殺之五月辛卯漢遣

使來貢六月丙辰周遣使來聘南唐遣使來貢八月己

未周遣使來聘是秋不聽政冬十月庚申獵於七鷹山

十二月丁巳詔大臣曰有罪者法當刑朕或肆怒濫及

無辜卿等切諫無或面從辛巳還上京

八年春二月乙丑駐蹕潢河夏四月甲寅南京留守蕭

思溫攻下沿邊州縣遣人勞之五月周陷東城縣六月

辛未蕭思溫請益兵乞駕幸燕秋七月獵於伊喇原作

山迄於九月射鹿諸山不視朝冬十一月辛酉漢遣使

來告周復來侵乙丑使再至十二月庚辰又至

九年春正月戊辰駐蹕潢河夏四月丙戌周來侵戊戌

以南京留守蕭思溫為兵馬都總管擊之是月周拔益

津瓦橋淤口三關五月乙巳朔陷瀛莫二州癸亥如南

京辛未周兵退六月乙亥朔視朝戊寅復容城縣庚申

西幸如懷州是月周主榮殂子宗訓立秋七月發南京

軍戍范陽冬十二月戊寅還上京庚辰王子迪里原作

前宣徽使哈斯原作海思及蕭達爾罕原作達干等謀反事覺鞫

之辛巳祀天地祖考告逆黨事敗丙申召羣臣議時政

十年春正月周殿前都點檢趙匡允廢周自立建國號

宋夏五月乙巳謁懷陵王子漢以潞州歸附來告丙寅至自懷陵六月庚申漢以宋兵圍石州來告遣大同軍節度使阿拉原作阿剌率四部往援詔蕭思溫以三部兵助之秋七月己亥朔宋兵陷石州潞州復叛漢使來告辛酉政事令耶律壽遠太保綽卜鄂博原作楚阿不等謀反伏誅以酒脯祠天地於黑山八月如秋山幸懷州庚午以鎮茵石狻猊擊殺近侍古格原作古哥冬十月丙子魯呼原作李胡子喜隱謀反辭連魯呼原作李胡下獄死十一月哈斯原作海思獄中上書陳便宜

十一年春二月丙寅釋喜隱辛亥司徒烏呼濟原作烏里只子特爾格原作迭刺哥誣告其父謀反復詐乘傳及殺行人以其父請杖而釋之內辰蕭思溫奏老人星見乞行赦宥閏月甲子如潢河夏四月癸巳朔日有食之是月射

年

鹿不視朝五月乙亥司天王白李正等進歷六月甲午赦冬十一月歲星犯月十二月春正月甲戌夜觀燈二月己丑朔以御史大夫蕭和斯原作護思為北院樞密使賜對衣鞍馬夏五月庚午以旱命左右以水相沃頃之果雨六月甲午祠木葉山及潢河秋如黑山赤山射鹿十三年春正月自丁巳晝夜酣飲者九日丙寅宋欲城益津關命南京留守高勳統軍使崔延勳以兵擾之癸酉殺獸人哈里原作海里二月庚寅漢遣使來告欲巡邊徼乞張聲援壬辰如潢河癸巳觀羣臣射賜物有差乙巳老人星見三月癸丑朔殺鹿人默勒濟原作彌里吉梟其首以示掌鹿者夏四月壬寅獵於潢河五月壬戌烏梁海原作翰朗改國所進花鹿生麀六月癸未近侍傷獐杖殺之

遼史卷六
昭和十六年五月十八日朝了
德陽劉子雄校字
成都方守道覆校

遼史卷六

昭和十六年五月十八日朝了

德陽劉子雄校字

成都方守道覆校

遼史卷七

元中書右丞相總裁托克托等修
本紀第七

穆宗下

十四年春正月戊寅朔奉安神燹戊戌漢以宋將來襲
馳告二月壬子詔西南面招討使特烈原作撻烈進兵授漢
癸亥如潢河戊辰支解鹿人摩多哈里原作沒等七人
於野封土識其地己巳如老林東灤壬申漢以敗宋兵
石州來告夏四月丁巳漢以擊退宋軍遣使來謝是月
黃龍府甘露降五月射詆讎鹿於白鷹山至於浹旬六
月丙午朔獵於玉山竟月忘返秋七月壬辰以酒脯祀
黑山八月乙巳如磴子嶺呼鹿射之獲鹿四賜虞人紐
歡原作女瓌等物有差丁未還宮戊申以生日值天赦不受

賀曲赦京師囚乙卯錄囚九月黃室韋叛冬十月丙午

近侍烏爾古綽原作烏古者進石錯賜白金二百五十兩丙

辰以掌鹿舒蘇原作矧思代斡里為扎薩克轄原作聞撒狻賜金

帶金盞銀二百兩所隸死罪以下得專之十一月壬午

日南至宴飲達旦自是晝寢夜飲殺近侍轄魯原作小六於

禁中十二月丙午以黑兔祭神烏爾古原作烏古叛掠民財

畜詳袞原作詳穩僧隱與戰敗績僧隱及伊實原作乙實等死之

十五年春正月己卯以樞密使伊勒布原作里斯為行軍

都統虎軍詳袞原作詳穩齊蘇原作楚思為行軍都監益以圖嚕

卜原作突呂不部軍二百合諸部兵討之烏爾古原作烏古額爾

奇木原作高堇子博勒岱原作勒底獨不叛詔褒之是月老

人星見二月壬寅朔日有食之上東幸甲寅以獲鴨除

鷹坊刺面腰斬之刑復其徭役是月烏爾古原作烏古殺其

長蘇爾台原作離底餘眾降復叛三月癸酉近侍棟爾原作

東進兒匕筋不時手刃刺之丁丑大黃室韋酋長伊聶濟

尼吉原作寅叛癸未五坊人四十戶叛入烏爾古原作烏古癸巳

虞人色勒迪原作刺迭偵鵝失期加炮烙鐵梳之刑而死

夏四月乙巳小黃室韋叛伊勒希原作里斯齊蘇原作楚思等

擊之為室韋所敗遣使詰之乙卯以托里原作禿里代伊勒

希原作里斯為都統以農古原作女古為監軍率輕騎進討仍

合塔瑪原作撻馬錫濟爾原作吉里持詔招諭五月壬申錫濟

爾原作吉里奏諭之不從伊勒希原作里斯以達林原作撻凜蘇

二羣牧兵追至柴河與戰不利甲申庫克克齊原作古只

奏室韋長伊聶濟原作尼吉亡入德喀原作敵烈六月辛亥伊

楞古原作魯古獻良馬賜銀二千兩以近侍呼喇原作忽刺比

馬至先以聞賜銀千兩是月德喀原作敵烈來降秋七月甲

戊伊勒希原作雅里斯奏烏爾古原作烏古至河德灤遣額爾奇

木原作夷離董華喇原作畫里伊勒希巴原作夷離畢察實原作常思擊之

丁丑烏爾古原作烏古掠上京北榆林峪居民遣林牙蕭幹

幹原作討之庚辰伊勒希原作雅里斯等與烏爾古原作烏古戰不

利冬十月丁未察實原作常思與烏爾古原作烏古戰敗之十二

月甲辰以近侍喜格原作喜哥私歸殺其妻丁未殺近侍蘇

嚕克原作隨魯駐蹕黑山平淀

十六年春正月丁卯朔被酒不受賀甲申微行市中賜

酒家銀絹乙酉殺近侍白海及家僕善福原作衫福雅爾噶

刺葛原作押樞密使門吏隆科原作老古塔瑪原作撻馬舒嚕原作失魯三

月己巳東幸庚午獲鴨甲申獲鵝皆飲達旦五月甲申

以歲旱泛舟於池禱雨不雨捨舟立水中而禱俄頃乃

雨六月丙申以白海死非其罪賜其家銀絹秋七月壬

午諭有司凡行幸之所必高立標識令民勿犯違以死

論八月丁酉漢遣使貢金器鎧甲閏月乙丑觀野鹿入

馴鹿羣立馬飲至晡九月庚子以重九宴飲夜以繼日

至壬子乃罷己未殺狼人紐幹哩原作裏冬十月庚辰漢

主有母喪遣使賻弔十二月甲子幸酒人伯勒格原作拔刺

哥家復幸殿前都點檢耶律伊勒哈原作夷離葛第宴飲連

日賜金盃細錦及孕馬百匹左右授官者甚眾戊辰漢

遣使來貢是冬駐蹕黑山平淀

十七年春正月庚寅朔林牙蕭幹郎君耶律賢適討烏

爾古原作烏古還帝執其手賜卮酒授賢適右皮室詳袞原

穩伊勒希原作里斯齊蘇原作楚思轄哩原作霞里三人賜醕酒以

辱之乙卯伊勒希巴原作夷離畢古雲原作骨欲獻烏爾古原

俘二月甲子高勲奏宋將城益津關請以偏師擾之上

從之夏四月戊辰殺鷹人達魯原作敵魯丙子射柳祈雨復

以水沃羣臣五月辛卯殺鹿人扎喀原作扎葛壬辰北府宰

相蕭哈里原作海瓌薨輟朝罷重五宴六月己未支解雉人

壽格原作壽哥寧古原作念古殺鹿人四十四人是夏駐蹕裏潭

秋八月辛酉生日以政事令安巴達原作不底病亟不受

賀九月自丙戌朔獵於黑山赤山至於月終冬十月乙

丑殺酒人索紐原作粹徐十一月辛卯殺近侍廷壽壬辰殺

豕人阿不禮赫魯原作曷魯珠嚕準原作木里者訥喀庫原作里括

庚子司天臺奏月當食不虧上以為祥歡飲達旦壬寅

殺鹿人唐古原作唐果直格原作直哥薩喇原作撒刺十二月辛未手

殺饗人哈里原作海里復嚕之是冬駐蹕黑河平淀

十八年春正月乙酉朔宴於宮中不受賀己亥觀燈於

市以銀百兩市酒命羣臣亦市酒縱飲三夕二月乙卯

幸五坊使錫沙哩原作實里家宴飲達旦三月甲申朔如

潢河乙酉獲鴛鴦祭天地造大酒器刻為鹿文名曰鹿

甌貯酒以祭天庚戌殺鵲人呼圖哩原作特魯近侍華格

原作化葛及監囚哈里原作海里仍到哈里原作海里之尸夏四月癸

丑殺彘人察爾吉原作里只抄己巳詔左右從班有材器幹

局者不次擢用老耄者增俸以休於家五月丁亥重五

以被酒不受賀壬辰獲鵝於碩格原作述古水野飲終夜丁

酉與政事令蕭巴雅爾原作排押南京留守高勳太師珠克

原作昭古劉承訓等酣飲連日夜己亥殺鹿人頗德塔克原作

原作臘古陶罕原作陶瑰扎卜庫原作不哥舒古寧原作古涅察布原作

默克特原作古特達勒達原作敵塔等六月丙辰殺彘人托諾

原作屯奴己未為殿前都點檢伊勒哩原作臘葛置神帳曲赦

京畿囚甲戌特烈原作撻烈於鵬窠中得牝犬來進是夏清

暑裏潭秋七月辛丑漢主承鈞殂子繼元立來告遣使
弔祭九月戊子殺詳袞原作巴蘭伊喇原作伊喇罕都
原作巴蘭八刺伊喇原作伊喇罕都
痕篤等四人己丑登小山祭天地戊戌知宋欲襲河東
諭西南面都統南院大王特烈原作特烈豫為之備己亥獵
熊以喚鹿人布庫原作鋪姑并掖庭戶賜伊勒哈原作臘葛甲
辰以伊勒哈原作臘葛兼政事令仍以黑山東穆辰原作抹真
之地數十里賜之以紐歡原作女環為近侍女直詳袞原作詳穩
嘉們原作曷陌為本部額爾奇木原作曷陌是秋獵於西京諸
山冬十月辛亥朔宋圍太原詔特烈原作特烈為兵馬總管
發諸道兵救之十一月癸卯冬至被酒不受賀十二月
丁丑殺酒人塔喇曠原作烈葛是冬駐蹕黑山東川
十九年春正月己卯朔宴宮中不受賀己丑立春被酒
命殿前都點檢伊勒哈原作臘葛代行擊土牛禮甲午與

葉格戲

羣臣為葉格戲戊戌醉中驟加左右官乙巳詔太尉華
格原作化哥曰朕醉中處事有乖無得曲從酒解可覆奏自
立春飲至月終不聽政三月甲寅漢劉繼元嗣立遣使
乞封冊辛酉遣韓知範冊為皇帝癸亥殺前導穆濟伊
喇原作及益刺劉其屍棄之甲子漢遣使進白鹿己巳如懷
州獵獲熊歡飲方醉馳還行宮是夜近侍霄格原作小哥盪
人花哥庖人錫袞原作辛古等六人反帝遇弒年三十九廟
號穆宗後附葬懷陵重熙二十一年諡曰孝安敬正皇
帝
贊曰穆宗在位十八年知女巫妖妄見誅諭臣下濫刑
切諫非不明也而荒耽於酒畋獵無厭偵鵝失期加炮
烙鐵梳之刑獲鴨甚歡除鷹坊刺面之令賞罰無章朝
政不視而嗜殺不已變起肘腋宜哉

遼史卷七

十六年五月十八日于前也

德陽劉子雄校字
成都方守道覆校

遼史卷八

元中書右丞相總裁托克托等修

本紀第八

景宗上

景宗孝成康靖皇帝諱賢字賢寧小字明辰世宗皇帝第二子母曰懷節皇后蕭氏察克原作察割之亂帝甫四歲穆宗即位養永興宮既長穆宗酗酒怠政帝一日與韓匡嗣語及時事耶律賢適止之帝悟不復言應歷十九年二月戊辰入見穆宗曰吾兒已成人可付以政己巳穆宗遇弒帝率飛龍使尼哩原作女里侍中蕭思溫南院樞密使高勳率甲騎千人馳赴黎明至行在哭之慟羣臣勸進遂即皇帝位於柩前百官上尊號曰天贊皇帝大赦改元保寧以殿前都點檢耶律伊勒哈原作夷臘右皮室

詳哀原作蕭烏埒濟原作烏宿衛不嚴斬之三月丙戌

入上京以蕭思溫為北院樞密使太平王雅斯哈原作

葛亡入沙陀己丑伊勒希巴原作夷離畢諾木歡原作粘以

陰附雅斯哈原作撤葛伏誅癸巳雅斯哈原作撤葛入朝甲

午以北院樞密使蕭思溫兼北府宰相己亥南院樞密

使高勳封秦王夏四月戊申朔進封太平王雅斯哈原作

葛撤為齊王改封趙王喜隱為宋王封隆先為平王舒

稍原作為吳王道隱為蜀王必舒原作必攝為越王迪里原作

為冀王完原作苑為衛王五月戊寅立貴妃蕭氏為皇后

丙申朔射柳祈雨有司請以帝生日為天清節從之壬

寅漢遣李匡弼劉繼文李元素來賀冬十月東幸裏潭

十一月甲辰朔行柴冊禮祠木葉山駐蹕鶴谷乙巳蕭

思溫封魏王北院大王烏哲原作屋質加裕悅原作于越

二年春正月丁未如潢河夏四月幸東京致奠于讓國

皇帝及世宗廟五月癸丑西幸乙卯次盤道嶺盜殺北

院樞密使蕭思溫六月還上京秋七月以右皮室詳袞

原作賢適為北院樞密使九月辛丑得國舅蕭哈濟原作

詳穩只及哈里原作海里殺蕭思溫狀皆伏誅流其弟紳圖原作

于黃龍府十二月庚午漢遣使來貢

三年春正月甲寅右伊勒希巴原作夷離畢希達原作遣人

獻德呼原作敵烈俘詔賜有功將士庚申置登聞鼓院辛酉

南京統軍使魏國公韓匡美封鄴王二月癸酉東幸壬

午遣多和原作鐸邊使阿爾斯蘭原作阿回鶻己丑以青牛

白馬祭天地三月丁未以飛龍使尼哩原作女里為契丹行

宮都部署夏四月丁卯世宗妃卓琳原作及普格原作厭魅賜死己卯祠木葉山行再生禮丙戌至自東幸戊

子蕭紳圖原作神觀伏誅六月丙子漢遣使問起居自是繼

月而至丁丑回鶻遣使來貢秋七月辛丑以北院樞密

使賢適為西北路招討使八月甲戌如秋山辛卯祭皇

兄哈勒布原作吼墓追冊為皇太子謚莊聖九月乙巳賜

傅父侍中達里塔原作里迭太保楚補太保丕勒原作婆兒保

母霍實原作回室頁頁原作押雅等戶口牛羊有差又以潛邸給

使者為塔瑪原作撻馬部置官主之壬子幸歸化州甲寅如

南京冬十月己巳以黑白羊祀神癸未漢遣使來貢丙

戌布古德原作骨德吐谷渾來貢十一月庚子臚胸河裕

悅原作于越雅克尼爾原作尼里等率戶四百五十來附乞隸

宮籍詔留其戶分隸敦睦積慶永興三宮優賜遣之十

二月癸酉以青牛白馬祭天地己丑皇子隆緒生是冬

駐蹕金川

聖宗也

四年春二月癸亥漢以皇子生遣使來賀閏月戊申齊

王雅斯哈原作撒葛薨二月庚申朔追冊為皇太叔夏四

月庚寅朔追封蕭思溫為楚國王是夏駐蹕冰井秋七

月如雲州丁丑布古德原作骨德來貢冬十月丁亥朔如

南京十二月甲午詔內外官上封事

五年春正月甲子特哩袞原作休格伐党項破之

以俘獲之數來上漢遣使來貢庚午御五鳳樓觀燈二

月丁亥近侍薩喇勒原作魯里誤觸神燹法論死杖釋之

壬辰越王必舒原作必攝獻党項俘獲之數戊申以青牛白

馬祭天地辛亥幸新城三月乙卯朔復幸新城追封皇

后祖瑚穆里原作母里為韓王贈伯瑚嚕古原作魯古兼政

事令寧古齊原作古只兼侍中夏四月丙申白氣晝見五

月癸亥裕悅原作于越烏哲原作屋質薨輟朝三日辛未女直侵

邊殺都監達里塔原作達里迭伊喇原作鄂囉羅驅

掠邊民牛馬己卯阿爾斯蘭原作阿薩蘭回鶻來貢六月庚

寅女直宰相及額爾奇木原作夷商董來朝丙申漢遣人以

宋事來告秋七月庚辰以保大軍節度使耶律色勒迪

原作斜里底為中臺省左相是月駐蹕燕子城九月壬子布

古德原作鼻骨德部長阿嚕達蘭原作魯撻覽來貢冬十月丁酉

如南京十一月辛亥朔始獲應歷逆黨近侍霄格原作小哥

花哥錫袞原作辛古等誅之十二月戊戌漢將改元遣使稟

命是月如歸化州

六年春正月癸未幸南京三月宋遣使請和以涿州刺

史耶律昌珠原作昌木加侍中與宋議和夏四月宋王喜隱

坐謀反廢秋七月丁未朔閣門使卓庫原作酌古加檢校太

尉兼御史大夫男哈里原作海里以告喜隱事遙授隴州防

禦使庚申獵于平地松林冬十月乙亥朔還上京十二

月戊子以沙門昭敏為三京諸道僧尼都總管加兼侍

中

七年春正月甲戌朔宋遣使來賀壬寅望祠木葉山二

月癸亥漢鴈門節度使劉繼文來朝貢方物丙寅以青

牛白馬祭天地三月壬午耶律蘇色原作速撒等獻党項俘

分賜羣臣夏四月遣郎君舒蘇原作矧思使宋己酉祠木葉

山辛亥射柳祈雨如頻蹕淀清暑五月丙戌祭神姑秋

七月黃龍府衛將雅爾丕勒原作燕願殺都監張瑒以叛遣

敝史耶律噶勒畢原作曷里必討之九月敗雅爾丕勒原作燕願

於治河遣其弟安圖原作安搏追之雅爾丕勒走保烏

舍原作兀惹城安圖原作安搏乃還以餘黨千餘戶城通州是秋

至自頻蹕淀冬十月釣魚土河

八年春正月癸酉宋遣使來聘二月壬寅諭史館學士
 書皇后言亦稱朕暨子著為定式三月辛未遣五使廉
 問四方鰥寡孤獨及貧乏失職者振之夏六月以西南
 面招討使耶律色珍原作斜軫為北院大王秋七月丙寅朔
 寧王扎穆原作只沒妻安扎原作安只伏誅扎穆原作只沒高勳等除
 名辛未宋遣使來賀天清節八月癸卯漢遣使言天清
 節設無遮會飯僧祝釐丁未如秋山己酉漢以宋事來
 告是月女直侵貴德州東境九月己巳謁懷陵辛未東
 京統軍使察喇原作察鄰詳袞原作詳穩古涸原作骨涸奏女直襲歸州
 五寨剽掠而去乙亥布古德原作骨德來貢壬午漢為宋
 人所侵遣使求援命南府宰相耶律沙冀王迪里原作敵烈
 赴之戊子漢以宋師壓境遣駙馬都尉盧俊來告冬十
 月辛丑漢以遼師退宋軍來謝十一月丙子宋主匡允

殂其弟炅自立遣使來告辛卯遣郎君旺祿原作王六塔瑪
原作撻馬訥默庫原作木古等使宋弔慰十二月壬寅遣蕭哲
原作只古馬哲賀宋卽位丁未漢以宋軍復至掠其軍儲
 來告且乞賜糧為助戊午詔南京復禮部貢院是月哈
 噶斯原作夏斯國遣使來貢

遼史卷八

德陽劉子雄校字
 成都方守道覆校

遼史卷九

元中書右丞相總裁托克托等修本紀第九

景宗下

九年春正月丙寅女直遣使來貢二月庚子宋遣使致其先帝遺物甲寅以青牛白馬祭天地三月癸亥耶律沙迪里原作敵烈獻援漢之役所獲宋俘戊辰詔以粟二十萬斛助漢夏五月庚午漢遣使來謝且以宋事來告己丑女直二十一人來請宰相額爾奇木原作夷之職以次授之六月丙辰以宋王喜隱為西南面招討使秋七月庚申朔回鶻遣使來貢甲子宋遣使來聘壬申漢以宋侵來告丙子遣使助漢戰馬八月漢遣使進葡萄酒冬十月甲子耶律沙以党項降酋克酬原作可醜摩約原作買友

來見賜詔撫諭丁卯以克酬原作可醜為司徒摩約原作買友為

太保各賜物遣之壬申女直遣使來貢乙酉漢復遣使

以宋事來告十一月丁亥朔司天奏日當食不虧戊戌

吐谷渾叛入太原者四百餘戶索而還之癸卯祠木葉

山乙巳遣太保塔喇噶原作迭烈割等使宋乙卯漢復遣使

以宋事來告十二月戊辰獵於近郊以所獲祭天

十年春正月癸丑如長樂二月庚午阿爾斯蘭原作阿薩蘭

回鶻來貢二月庚寅祭顯陵夏四月丁卯西幸己巳女

直遣使來貢五月癸卯賜尼哩原作女里死遣人誅高勳等

六月己未駐蹕沿柳湖秋七月庚戌享太祖廟九月癸

未平王隆先子辰格原作陳哥謀害其父車裂以徇是冬駐

蹕金川

乾亨元年春正月乙酉遣塔瑪原作捷馬長壽使宋問興師

伐劉繼元之故丙申長壽還言河東逆命所當問罪若

北朝不援和約如舊不然則戰二月丁卯漢以宋兵壓

境遣使乞援詔南府宰相耶律沙為都統冀王迪里原作

敵為監軍赴之又命南院大王色珍原作斜軫以所部從樞

密副使穆濟原作抹只督之三月辛巳蘇色原作速撒遣人以別

部華格原作化哥等降納之丙戌漢遣使謝撫諭軍民詔北

院大王希達原作奚底伊實原作乙室王薩哈勒原作撒合等以兵戍

燕己丑漢復告宋兵入境詔左千牛衛大將軍韓倬大

同軍節度使耶律善補以本路兵南援辛卯女直遣使

來貢丁酉耶律沙等與宋戰於白馬嶺不利冀王迪里

原作敵烈及圖魯卜原作呂不部節度使圖敏原作都敏黃皮室詳

襲原作詳穩唐古原作唐苦皆死之士卒死傷甚眾夏四月辛亥

漢以行軍事宜來奏盧俊自代州馳狀告急辛酉德呼

原作敵烈來貢五月己卯宋兵至河東漢與戰不利劉繼文
原作盧俊來奔六月劉繼元降宋漢亡甲子封劉繼文為彭
原作城郡王盧俊同政事門下平章事宋主來侵丁卯北院
原作大王希達原作統軍使蕭托果原作伊實原作王薩哈
原作勒原作撒合擊之戰於沙河失利己巳宋主圍南京丁丑詔
原作諭耶律沙及希達原作托果原作等軍中事宜秋七月
原作癸未沙等及宋兵戰於高梁河少卻休格原作色珍原作
原作軫橫擊大敗之宋主僅以身免至涿州竊乘驢車遁去
原作甲申擊宋餘軍所殺甚眾獲兵仗器甲符印糧饋貨幣
原作不可勝計辛丑耶律沙遣人上俘獲以權知南京留守
原作事韓德讓權南京馬步軍都指揮使耶律學古知三司
原作事劉宏皆能安人心捍城池並賜詔褒獎八月壬子準
原作布原作阻原作卜原作特哩袞原作赫魯原作額爾奇木原作阿爾

原作圖原作里原作覲等來朝乙丑耶律沙等獻俘丙寅以白馬之
原作役責沙穆濟原作抹只復以走宋主功釋之希達原作遇敵
原作而退以劔背擊之薩哈勒原作雖卻部伍不亂宥之冀
原作王迪里原作麾下先遁者斬之都監以下杖之壬申宴
原作沙穆濟原作抹只等將校賜物有差九月己卯命燕王韓匡
原作嗣為都統南府宰相耶律沙為監軍特哩袞原作休格
原作部兵南伐仍命大同軍節度使善補領山西兵分道以
原作進冬十月乙丑韓匡嗣與宋兵戰於滿城敗績辛未太
原作保舒蘇原作與宋兵戰於火山敗之乙亥詔數韓匡嗣
原作五罪赦之十一月戊寅宴賞休格原作及有功將校乙
原作未南院樞密使兼政事令郭襲上書諫敗獵嘉納之辛
原作丑冬至赦改元乾亨十二月乙卯燕王韓匡嗣遙授晉

昌軍節度使降封秦王。壬戌，蜀王道隱遷南京留守。徙封荆王。是冬，駐蹕南京。

二年春正月，丙子朔，封皇子隆緒為梁王，隆慶為恆王。

丁亥，以特哩袞原作怱隱休格原作休哥為北院大王，前樞密使

賢適封西平郡王。二月，戊辰，如清河。三月，丁亥，西南面

招討副使耶律旺祿原作王六太尉華格原作化哥遣人獻党項

俘。閏月，庚午，有鵠飛止御帳，獲以祭天。夏四月，庚辰，祈

雨。戊子，清暑燕子城。五月，雷火乾陵松。六月，己亥，喜隱

復謀反，囚於祖州。秋七月，戊午，旺祿原作王六等獻党項俘

八月，戊戌，東幸。冬十月，辛未朔，命巫者祠天地及兵神。

辛巳，將南伐，祭旗鼓。癸未，次南京。丁亥，獲敵人射鬼箭。

庚寅，次固安，以青牛白馬祭天地。己亥，圍瓦橋關。十一

月，庚子朔，宋兵夜襲營，圖魯卜原作突呂不部節度使蕭幹

原作幹及四捷軍詳袞原作詳穩耶律赫德原作痕德戰卻之。壬寅

休格原作休哥敗宋兵於瓦橋東，守將張師引兵出戰，休格

原作休哥奮擊敗之。戊申，宋兵陣於水南，休格原作休哥涉水擊

破之，追至莫州，殺傷甚眾。己酉，宋兵復來擊之，殆盡。丙

辰，班師。乙丑，還次南京。十二月，庚午朔，休格原作休哥拜裕

悅原作于越大饗軍士。

三年春二月，丙子，東幸。己丑，復幸南京。三月，乙卯，皇子

罕巴原作韓八卒。辛酉，葬潢土二河之間，置永州，以秦王韓

匡嗣為西南面招討使。夏五月，丙午，上京漢軍亂，劫立

喜隱不克，偽立其子留禮壽。上京留守楚實勒原作徐室擒

之。秋七月，甲子，留禮壽伏誅。冬十月，如富瑚原作蒲瑰坡。十

一月，辛亥，加楚實勒原作除室同政事門下平章事。是月，以

南院樞密使郭襲為武定軍節度使。十二月，以遼興軍

節度使韓德讓為南院樞密使。

四年春正月己亥如華林天柱三月乙未清明與諸王

大臣較射宴飲夏四月自將南伐至滿城戰不利守太

尉奚幹里原作瓦里中流矢死統軍使善補為伏兵所圍樞

密使色珍原作斜軫救免詔以失備杖之五月班師清暑燕

子城秋七月壬辰遣使賜喜隱死八月如西京九月庚

子幸雲州甲辰獵於尚和原作祥古山帝不豫壬子次焦山

崩於行在年三十五在位十四年遺詔梁王隆緒嗣位

軍國大事聽皇后命統和元年正月壬戌上尊諡孝成

皇帝廟號景宗重熙二十一年加諡孝成康靖皇帝

贊曰遼興六十餘年神冊會同之間日不暇給天祿應

歷之君不令其終保寧而來人人望治以景宗之資任

人不疑信賞必罰若可與有為也而竭國之力以助河

東破軍殺將無救滅亡雖一取償於宋得不償失知匡
嗣之罪數而不罰善郭襲之諫納而不用沙門昭敏以
左道亂德寵以待中不亦惑乎

遼史卷九

德陽劉子雄校字
成都方守道覆校

遼史卷十

元中書右丞相總裁托克托等修

本紀第十

聖宗一

聖宗文武大孝宣皇帝諱隆緒小字文殊努原作文殊奴景

宗皇帝長子母曰睿智皇后蕭氏帝幼喜書翰十歲能

詩既長精射法曉音律好繪畫乾亨二年封梁王四年

九月壬子景宗崩癸丑即皇帝位於柩前時年十二皇

后奉遺詔攝政詔諭諸道冬十月己未朔帝始臨朝辛

酉羣臣上尊號曰昭聖皇帝尊皇后為皇太后大赦以

南院大王巴古濟原作勃古哲總領山西諸州事北院大王

裕悅原作于越休格原作休哥為南面行軍都統奚王和碩原

和朔副之同政事門下平章事蕭道寧領本部軍駐南

能詩好畫

京乙丑如顯州十一月甲午置乾州十二月戊午耶律

蘇色原作速撒討準布原作阻卜辛酉南京留守荆王道隱奏宋

遣使獻犀帶請和詔以無書卻之甲子達爾罕原作刺干

納旺舒克原作萬十醉言宮掖事法當死杖而釋之辛未

南面招討使秦王韓匡嗣薨癸酉奉大行皇帝梓宮于

敢塗殿庚辰省置中臺省官

統和元年春正月戊午朔以大行在殯不受朝乙丑奉

遺詔召先帝庶兄扎穆原作質睦于敢塗殿前復封寧王加

宰相室助宣徽使布琳原作普領等恩丙寅荆王道隱有疾

詔遣使存問是日皇太后幸其邸視疾戊辰以威原作烏隈

烏庫哩原作骨里部節度使耶律章烏克原作章瓦同政事門

下平章事甲戌荆王道隱薨輟朝三日追封晉王遣使

撫慰其家丙子以裕悅原作于越休格原作休哥為南京留守仍

賜南面行營總管印綬總邊事渤海塔瑪原作撻馬嘉哩原作

里解以受先帝厚恩乞殉葬詔不許賜物以旌之戊寅遣

使賜裕悅原作于越休格原作休哥及奚王籌寧統軍使頗德等

湯藥命根敦原作懇篤持送休格原作休哥下車勝以諭燕民辛

巳蘇色原作速撒獻準布原作阻卜俘壬午涿州刺史安吉奏宋

築城河北詔留守裕悅原作于越休格原作休哥撓之勿令就功

趙妃及公主和克丹原作骨典奚王籌寧宰相安寧北大

王普努寧原作奴寧特哩袞原作楊隱屈烈吳王舒原作稍寧王

扎穆原作只沒與橫帳國舅契丹漢官等並進助山陵費癸

未齊國公主率內外命婦進物如之甲申西南面招討

使韓德威奏党項十五部侵邊以兵擊破之乙酉以蘇

色原作速撒破準布原作阻卜下詔褒美仍諭與達罕原作大漢討党

項諸部丁亥樞密使兼政事令室昉以年老請解兼職

詔不允。二月戊子朔，禁所在官吏軍民不得無故聚眾私語及冒禁夜行違者坐之。己丑，南京奏聞宋多聚糧邊境及宋主將如臺山，詔休格原作休哥嚴為之備。甲午，葬景宗皇帝於乾陵，以近幸朗掌飲伶人塔魯原作撻魯為殉。上與皇太后因為書，附上大行。丙申，皇太后詣陵置奠，命繪近臣於御容殿，賜山陵工人物有差。庚子，以先帝遺物賜皇族及近臣。辛丑，南京統軍使耶律善補奏宋邊七十餘村來附，詔撫存之。乙巳，以御容殿為玉殿，酒谷為聖谷，蘇色原作速撒奏討党項捷，遣使慰勞。戊申，以特哩袞原作惕隱華格原作化哥為北院大王，吉琳原作解領為南府宰相。辛亥，幸聖山，遂謁三陵。甲寅，以皇女長壽公主下嫁國舅宰相蕭布希原作婆項之子烏里原作吳留。三月戊午，天德軍節度使推勒原作頽刺父子戰歿，以其弟納哩原作涅離襲爵。

己未，次獨山，遣使賞西南面有功將士。辛酉，以大父帳太尉耶律赫勒納原作魯寧為特哩袞原作惕隱。甲子，駐蹕遼河之平淀。辛巳，以國舅同平章事蕭道寧為遼興軍節度使，仍賜號忠亮，佐理功臣。壬午，以青牛白馬祭天地。夏四月丙戌朔，幸東京，以樞密副使耶律穆濟原作未只兼侍中為東京留守。庚寅，謁太祖廟。癸巳，詔賜物命婦寡居者。丙申，南幸。辛丑，謁三陵，以東京所進物分賜陵寢官吏。復詔賜西南路招討使達罕原作大漢，不用命者得專殺。壬寅，致享于凝神殿。癸卯，謁乾陵。乙巳，遣人以酒脯祭平章耶律哈雅原作河陽墓。庚戌，幸夫人烏庫哩原作烏骨里第，謁太祖御容，禮畢。幸公主和克丹原作胡第，飲賜與甚厚。壬子，大臣以太后預政，宜有尊號，請下有司詳定冊禮，詔樞密院諭沿邊節將，至行禮日，止遣子弟奉

表稱賀恐失邊備。樞密請詔北府司徒頗德譯南京所進律文從之。遂如徽州以耶律慶朗為信州節度使。五月丙辰朔國舅政事門下平章事蕭道寧以皇太后慶壽請歸父母家行禮而齊國公主及命婦羣臣各進物設宴賜國舅帳者年物有差。壬戌西南路招討請益兵討西突厥諸部詔北王府耶律普努寧原作蒲奴寧以達巴原作德呀二部兵赴之。癸亥以裕悅原作于越休格原作補招入宋者得千餘戶歸國詔令撫慰。辛未次永州祭王子藥師努原作藥師奴墓。乙亥詔近臣議皇太后上尊號冊禮。樞密使韓德度以後漢太后臨朝故事草定上之。丙子以青牛白馬祭天地。戊寅幸木葉山西南路招討使達罕原作大漢奏近遣伊喇原作搜刺伯勒格原作刺哥諭党

項諸部來者甚眾下詔褒美。六月乙酉朔詔有司冊皇太后日給三品以上法服三品以下用大射柳之服。西南路招討使奏党項酋長執額爾奇木原作夷子烏延原作隈引等乞內附詔撫納之仍察其誠偽謹邊備。丙戌還上京己丑有司奏同政事門下平章事駙馬都尉盧俊與公主不協詔離之遂出俊為興國軍節度使。辛卯有事于太廟甲午上率羣臣上皇太后尊號曰承天皇太后羣臣上皇帝尊號曰天輔皇帝大赦改元統和。丁未覃恩中外文武官各進爵一級以樞密副使耶律色珍原作斜軫守司徒。秋七月甲寅朔皇太后聽政。乙卯上親錄囚壬子司徒隆科原作婁國坐稱疾不赴山陵答二十。辛酉行再生禮。癸酉臨潢尹諾觀原作襄袞進飲饌上與諸王分朋擊鞠。丙子韓德威遣詳袞原作詳穩哈爾瑪原作轄馬上破党

項俘獲數千。送額爾奇木原作夷之子來獻。辛巳賞西

南面有功將士。八月戊子。上西巡。己丑謁祖陵。辛卯皇

太后祭楚國王蕭思溫墓。癸巳。上與皇太后謁懷陵。遂

幸懷州。甲午。上與色珍原作斜軫於太后前易弓矢鞍馬。約

以為友。己亥。獵赤山。遣使薦熊肪鹿脯于乾陵之凝神

殿。以政事令孫楨無子。詔國舅小翁帳郎君托卜威原作

桃原為之後。乙巳。詔裕悅原作于越休格原作休哥提點元城。壬子

韓德威表請伐党項之復叛者。詔許之。仍發別部兵數

千以助之。九月癸丑朔。以東京平州旱蝗。詔振之。乙卯

謁永興長寧敦睦三宮。丙辰。南京留守奏秋霖害稼。請

權停關征。以通山西糴易從之。庚申。謁宣簡皇帝廟。辛

酉。幸祖州謁祖陵。壬戌。還上京。辛未。有司請以帝生日

為千齡節。從之。皇太后言。故裕悅原作于越屋只有傳導功

宜錄其子孫。遂命其子巴延原作泮泮為林牙。丙子。如老翁

川。冬十月癸未朔。司天奏老人星見。戊子。以公主淑格

原作淑哥下嫁國舅詳袞原作詳穩。照姑。癸巳。蘇色原作速撒奏德喀

原作敵烈部及叛蕃來降。悉復故地。乙未。以燕京留守裕悅

原作于越休格原作休哥言。每歲諸節慶使貢獻。如契丹宮例。止

進鞍馬。從之。丁酉。以吳王舒原作稍為上京留守。行臨潢

尹事。上將征高麗。親閱東京留守耶律穆濟原作未只所總

兵馬。丙午。命宣徽使兼侍中布琳原作蒲領林牙克特原作肯德

等將兵東討。賜旗鼓及銀符。十一月壬子朔。觀漁塔瑪

原作捷馬灤。癸丑。應州奏獲宋謀者。言宋除道五臺山。將入

靈邱界。詔謀者及居停人並磔于市。庚辰。上與皇太后

祭乾陵。下詔諭三京左右相左右平章事副留守判官

諸道節度使判官諸軍事判官錄事參軍等當執公方

母得阿順諸縣令佐如遇州官及朝使非理徵求毋或
畏徇恆加采聽以爲殿最民間有父母在別籍異居者
聽鄰里覺察坐之有孝于父母三世同居者旌其門閭
十二月壬午朔謁凝神殿遣使分祭諸陵賜守殿官屬
酒是日幸顯州丁亥以顯州歲貢綾錦分賜左右甲午
東幸己亥皇太后觀漁于玉盆灣辛丑觀漁于濬淵甲
辰勅諸刑辟已結正決遣而有冤者聽詣臺訴是夕然
萬魚燈于雙溪戊申千齡節祭日月禮畢百僚稱賀
二年春正月甲子如長灤二月癸巳國舅帳彰德軍節
度使蕭達林原作闕覽來朝甲午賜將軍耶律德布原作敵不春
衣束帶丙申東路行軍宣徽使蕭布琳原作蕭寧奏討女直
捷遣使執手獎諭庚子朝皇太后太后因從觀獵于饒
樂川乙巳五國威原作威鳥原作鳥限原作限伊濟原作伊濟于厥節度使耶律威烏克

祭風伯

原作隗注以所轄諸部難治乞賜詔給劍便宜行事從之丙
午上與諸王大臣較射丁未韓德威以征党項迴遂襲
河東獻所俘賜詔褒美三月乙卯華喇原作劃離部請今後
詳袞原作詳穩止從本部選授爲宜上曰諸部官惟在得人
豈得定以所部爲限不允贈故同平章事趙延煦兼侍
中夏四月丁亥宣徽使同平章事耶律布琳原作普寧都監
蕭勤德獻征女直捷授布琳原作普寧兼政事令勤德神武
衛大將軍各賜金器諸物庚寅皇太后臨決滯獄辛卯
祭風伯壬辰以宣徽南院使劉承規爲承德軍節度使
崇德宮都部署保義軍節度使張德筠爲宣徽北院使
五月乙卯祠木葉山丁丑駐蹕沿柳湖六月己卯朔皇
太后決獄至月終秋七月癸丑皇太后行再生禮八月
辛卯東京留守兼侍中耶律穆濟原作未奏女直珠卜奇

原作木薩里原作賽里等八族乞舉眾內附詔納之九月戊

申朔駐蹕土河辛未以景宗忌日詔諸道京鎮遣官行

香飯僧冬十月丁丑朔以歸化州刺史耶律布琳原作普寧

為彰德軍節度使右武衛大將軍韓倬為彰國軍節度

使兼侍衛親軍兵馬都指揮使十一月壬子以樞密直

學士給事中鄭嘏為儒州刺史是月蘇色原作速撒等討準

布原作阻卜殺其酋長達爾罕原作刺干十二月辛丑以翰林

學士承旨馬得臣為宣政殿學士耶律頗德南京統軍

使耶律瑤昇大內特哩袞大仁靖東京中臺省右平章

事

三年春正月丙午朔如長瀼丁巳以翰林學士邢抱朴

為尚書禮部侍郎知制誥左拾遺知制誥劉景吏部郎

中知制誥牛藏用並政事舍人二月丙子朔以牛藏用

知樞密直學士三月乙巳朔樞密奏契丹諸役戶多困

乏請以富戶代之上因閱諸部籍以納喇原作涅刺威原作烏隈

二部戶少而役重并量免之夏四月乙亥朔祠木葉山

壬午以鳳州刺史趙匡符為保靜軍節度使癸未以左

監門衛大將軍王庭勛為奉先軍節度使彰武軍節度

使韓德凝為崇義軍節度使五月壬子還上京癸酉以

國舅蕭道寧同平章事知瀋州軍州事六月甲戌如柏

坡皇太后親決滯獄乙亥以歸義軍節度使王希嚴為

興國軍節度使秋七月甲辰朔詔諸道繕甲兵以備東

征高麗甲寅東幸甲子遣郎君巴寧原作班裏賜秦王韓匡

嗣葬物丙寅駐蹕土河以暴漲命造船橋明日乘步輦

出聽政老人星見丁卯遣使閱東京諸軍兵器及東征

道路以平章事蕭道寧為昭德軍節度使武定軍節度

使守司空兼政事令郭襲為天平軍節度使大同軍節度使守太子太師兼政事令劉延構為義成軍節度使贈尚父秦王韓匡嗣尚書令八月癸酉朔以遼澤沮洳罷征高麗命樞密使耶律色珍原作斜軫為都統駙馬都尉蕭懇德為監軍以兵討女直丁丑次橐城庚辰至顯州謁凝神殿辛巳幸乾州觀新宮癸未謁乾陵甲申命南北面臣僚分巡山陵林木及令乾顯二州上所部里社之數丙戌北皮室詳哀原作詳穩進勇敢士七人戊子故南院大王錫喇伊囉幹原作里婉妻蕭氏奏夫死不能葬詔有司助之庚寅東征都統所奏路尚陷濘未可進討詔俟澤涸深入癸巳皇太后謁顯陵庚子謁乾陵辛丑西幸閏九月癸酉命邢抱朴勾檢顯陵丙子行次海上庚辰重九駱駝山登高賜羣臣菊花酒辛巳詔諭東征

將帥乘水涸進討丙申女直宰相哲伯埒原作木來貢戊戌駐蹕東古山己亥蘇色原作速撒奏珠巴克原作木諸部至近淀額爾奇木原作夷伊楞古原作易請行俘掠上曰諸部於國無惡何故俘掠徒生事耳不允冬十一月甲戌詔吳王舒原作稍領秦王韓匡嗣葬祭事丁丑詔以東北路兵馬監軍妻布達拉原作婆底里存撫邊民戊寅賜公主和克丹原作胡骨典葬夫金帛工匠辛卯以韓德讓兼政事令癸巳禁行在市易布帛不中尺度者丙申東征女直都統蕭達林原作闡覽菩薩努原作菩薩奴以行軍所經地里物產來上

遼史卷十

十六年五月十七日也此時和休天稍款

德陽劉子雄校字

成都方守道覆校

遼史卷十一

元中書右丞相總裁托克托等修

本紀第十一

聖宗二

四年春正月甲戌觀漁土河林牙耶律穆爾古原作謀魯姑

彰德軍節度使蕭達林原作闡覽上東征俘獲賜詔獎諭丙

子樞密使耶律色珍原作斜軫林牙勤德等上討女直所獲

生口十餘萬馬二十餘萬及諸物己卯朝皇太后決滯

訟壬午樞密使色珍原作斜軫林牙勤德穆爾古原作魯姑節

度使達林原作闡覽統軍使碩羅原作室羅侍中穆濟原作抹只奚王

府監軍迪烈與安吉等克女直還軍遣近侍尼勒堅原作泥里

吉詔旌其功仍執手撫諭賜酒果勞之甲午幸長灤

二月壬寅以四番都統軍李繼忠為檢校司徒上柱國

癸卯西夏李繼遷叛宋來降以爲定難軍節度使銀夏綏宥等州觀察處置等使特進檢校太師都督夏州諸軍事西番酋帥幹尼奇伊原作瓦泥乞移爲保大軍節度使鄜坊等州觀察處置等使甲寅耶律色珍原作斜軫蕭達林原作覽穆爾古原作魯姑等族帥來朝行飲至之禮賞賚有差丙寅行次紐幹哩原作裏井三月甲戌裕悅原作于越休格原作休奏宋遣曹彬崔彥進米信由雄州道田重進飛狐道潘美楊繼業鴈門道來侵岐溝涿州固安新城皆陷詔宣使布琳原作蒲領馳赴燕南與休格原作休哥議軍事分遣使者徵諸部兵益休格原作休哥以擊之復遣東京留守耶律穆濟原作抹只以大軍繼進賜劍專殺乙亥以親征告陵廟山川丙子統軍使耶律頗德敗宋軍於固安休格原作休絕其糧餉擒將吏獲牛馬器仗甚眾庚辰袁州刺史

趙彥章以城叛附於宋辛巳宋兵入涿州義順軍節度副使趙希贊以朔州叛附於宋時上與皇太后駐兵馳羅口詔趣東征兵馬以爲應援壬午詔林牙勤德以兵守平州之海岸以備宋仍報平州節度使特哩袞原作迪里始若勤德未至遣人趣行馬乏則括民馬鎧甲關則取於顯州之甲坊癸未遼軍與宋田重進戰於飛狐不利冀州防禦使大鵬翼康州刺史馬贊馬軍指揮使何萬通陷焉丁亥以北院樞密使耶律色珍原作斜軫爲山西兵馬都統以北院宣徽使布琳原作蒲領爲南征都統以副裕悅原作于越休格原作休哥彰國軍節度使艾正觀察判官宋雄以應州叛附於宋庚寅遣飛龍使雅嚕原作亞刺文班吏雅圖嚕原作達哥閱馬以給先發諸軍詔駙馬都尉蕭繼遠領之辛卯武定軍馬步軍都指揮使郢州防禦使呂行

德副都指揮使張繼從馬軍都指揮使劉知進等以飛
 狐叛附于宋癸巳賜林牙穆爾古原作謀魯姑旗鼓四劍一
 率禁軍之驍銳者南助休格原作休哥丙申步軍都指揮使
 穆超以靈邱叛附于宋詔遣使賜樞密使色珍原作斜軫密
 旨及彰國軍節度使雙寬原作杓窰印以趣征討夏四月己
 亥朔次南京北郊庚子特哩袞原作楊隱瑤昇西南面招討
 使韓德威以捷報辛丑宋潘美陷雲州壬寅遣穆濟原作
 抹穆爾古原作魯姑勤德等領偏師以助休格原作休哥仍賜
 旗鼓雙寬原作杓窰印撫諭將校癸卯休格原作休哥復以捷報
 上以酒脯祭天地率羣臣賀于皇太后詔勤德還軍丙
 午頗德上所獲鎧仗數戊申監軍宣徽使布琳原作蒲領奏
 敵軍引退而奚王籌寧北大王普努寧原作如寧統軍使
 頗德等以兵追躡皆勝之遣使史勤德持詔褒美及詔

侍中穆濟原作抹只統諸軍赴行在所本布原作頻不部節度使
 和勒敦原作盧靚黃皮室詳袞原作詳穩嘉哩原作解里等各上所
 獲兵甲又詔兩部突騎赴蔚州以助達林原作闡覽橫帳郎
 君老君努原作君奴率諸郎君巡徼居庸之北將軍華格
 原作統平州兵馬橫帳郎君努克原作奴哥為黃皮室都監
 郎君伊里原作謁里為北府都監各以步兵赴蔚州以助色
 珍原作斜軫庚戌以色珍原作斜軫為諸路兵馬都統達林原作闡覽
 兵馬副部署托色原作迪子都監以代善補韓德威癸丑以
 艾正趙希贊及應州朔州節度副使奚軍小校阿爾嘉
 原作隘離轄渤海小校果哈原作貫海等叛入于宋籍其家屬分
 賜有功將校宋將曹彬米信北渡拒馬河與裕悅原作于越
 休格原作休哥對壘挑戰南北列營長六七里時上次涿州
 東五十里甲寅詔裕悅原作于越休格原作休哥奚王籌寧宣徽

使布琳原作蒲領南北二王等嚴備水道無使敵兵得潛至涿州乙卯休格原作休哥等敗宋軍獻所獲器甲貨財賜詔褒美蔚州左右都押衙李存璋許彥欽等殺節度使蕭卓琳原作啜里執監城使銅州節度使耿紹忠以城叛附于宋丙辰復涿州告天地戊午上次沙沽原作沙姑河之北淀召林牙勤德議軍事諸將校各以所俘獲來上奚王籌寧南北二王率所部將校來朝以近侍納穆爾原作米里所進自落鵠祭天地己未休格原作休哥布琳原作蒲領來朝詔三司給軍前夏衣布庚申上朝皇太后辛酉大軍次固安壬戌圍固安城統軍使頗德先登城遂破大縱俘獲居民先被俘者命以官物贖之甲子賞攻城將士有差五月庚午遼師與曹彬米信戰于岐溝關大敗之追至拒馬河溺死者不可勝紀餘眾奔高陽又為遼師衝擊

死者數萬棄戈甲若邱陵輓漕數萬人匿岐溝空城中圍之壬申以皇太后生辰縱還癸酉班師還次新城休格原作休哥布琳原作蒲領奏宋兵奔逃者皆殺之甲戌以軍捷遣使分諭諸路京鎮丁丑詔諸將校論功行賞無有不實己卯次固安南以青牛白馬祭天地庚辰以所俘宋人射鬼箭詔遣詳袞原作詳穩巴雅爾原作排亞率宏義官兵及南北皮室郎君伊喇原作搜刺四軍赴應朔二州界與特哩袞原作楊隱瑤昇招討韓德威等同禦宋兵在山西之未退者辛巳以瑤昇軍赴山西壬午還次南京癸未休格原作休哥籌寧普努寧原作奴寧進俘獲色珍原作斜軫遣判官博諾原作蒲奴奏復蔚州斬首二萬餘級乘勝攻下靈邱飛狐賜博諾原作蒲奴酒及銀器丙戌御元和殿大宴從軍將校封休格原作休哥為宋國王加布琳原作蒲領籌寧普努寧原作奴寧

破手

及諸有功將校爵賞有差。丁亥發南京，詔休格原作休哥備器甲儲粟，待秋大舉南征。戊子，色珍原作斜軫奏宋軍復圍蔚州，擊破之。詔以兵授瑤昇、韓德威等。壬辰，以宋兵至平州，瑤昇、韓德威不盡追殺，降詔詰責。仍諭據城未降者，必盡掩殺，無使遁逃。癸巳，以軍前降卒分賜扈從。乙未，賞頗德諸將校士卒。六月，戊戌朔，詔韓德威赴關，加統軍使，頗德檢校太師。甲辰，詔南京留守休格原作休哥遣破手西助色珍原作斜軫、乙巳，以伊勒希巴原作夷、珠勒呼原作姪部送輜重行宮，暑行日五十里。人馬疲乏，遣使讓之。丁未，度居庸關。壬子，南京留守奏百姓歲輸三司鹽鐵錢折絹，不如直詔增之。甲寅，色珍原作斜軫奏復寰州。乙卯，皇太妃諸王公主迎上嶺表，設御幄道傍，置景宗御容，率從臣進酒。陳俘獲于前，遂大宴。戊午，幸涼陘，以

所俘分賜皇族及乳母。己未，聞所遣宣諭回鶻克時克原作覈國都掄雅里原作度等為珠巴克原作木邀留。列奇原作速撒賜珠巴克原作木貨幣，諭以朝廷來遠之意。使者由是乃得行。癸亥，以節度使韓布格原作毗哥翰林學士邢抱朴等充雲州宣諭招撫使。丙寅，以太尉旺布原作王入所俘生口分賜趙妃及裕悅原作于越、迪輦、伊囉幹原作乙里。秋七月，丙子，樞密使色珍原作斜軫遣侍御訥時台原作涅里、噶楚噶原作勤哥奏復朔州，擒宋將楊繼業及上所獲將校印綬諸敕，賜訥時台原作涅里等酒及銀器。辛巳，以捷告天地，以宋歸命者二百四十人分賜從臣。又以殺敵多，詔上京開龍寺建佛事一月，飯僧萬人。辛卯，色珍原作斜軫奏大軍至蔚州，營于州左，得謀報敵兵且至，乃設伏以待。敵至，縱兵逆擊，追奔逐北，至飛狐口，遂乘勝

鼓行而西入寰州殺守城吏卒千餘人宋將楊繼業初以驍勇自負號楊無敵北據雲朔數州至是引兵南出朔州三十里至狼牙村惡其名不進左右固請乃行遇色珍原作斜軫伏四起中流矢墮馬被擒瘡發不食三日死遂函其首以獻詔詳袞原作詳穩薩木實原作麥室傳其首裕悅原作于越休格原作休哥以示諸軍仍以朔州之捷宣諭南京平州將吏自是宋守雲應諸州者聞繼業死皆棄城遁八月丁酉置錫林塔拉原作離撻覽官六員領裕庫呼原作于骨里女直德里元原作烈于等諸部人之隸宮籍者以北大王普努寧原作奴寧為山後五州都管乙巳韓德讓奏宋兵所掠州郡其逃民禾稼宜募人收穫以其半給收者從之乙卯色珍原作斜軫還自軍獻俘己未用室昉韓德讓言復山西今年租賦詔第山西諸將校功過而賞罰之

命婦

伊實原作乙室帳宰相安寧以功過相當追告身一通迪錦原作諦居部節度使佛努原作佛奴管五十特哩袞原作楊隱瑤昇伊喇原作拽刺伯哱原作焮烈朔州節度使慎思應州節度使庫濟原作骨只雲州節度使華格原作化哥軍校李元迪蔚州節度使佛哩原作佛留都監崔其劉繼琛皆以聞敵逃遁奪官伯哱原作配烈仍配隸本貫領國舅軍旺祿原作王六管五十壬戌以色珍原作斜軫所部將校前破女直後有宋捷第功加賞癸亥加色珍原作斜軫守太保九月丙寅朔皇太妃以上納后進衣物馳馬以助會親頒賜甲戌次黑河以重九登高于高水南阜祭天賜從臣命婦菊花酒丁丑次河陽北戊寅內外命婦進會親禮物辛巳納皇后蕭氏丙戌次儒州以大軍將南征詔遣皮室詳袞原作詳穩持特原作乞的耶君伊喇原作拽刺先赴本軍繕甲兵己丑召北大王普努寧

原作蒲赴行在所甲午皇太后行再生禮冬十月丙申

朔党項準布原作阻遣使來貢丁酉皇太后復行再生禮

為帝祭神祈福己亥以伊實原作乙室王帳郎君烏里原作吳留

為御史大夫政事令室昉奏山西四州自宋兵後人民

轉徙盜賊充斥乞下有司禁止命新州節度使布克達

哩原作蒲打里選人分道巡檢北大王帳郎君哈喇噶扎爾

原作葛只里言本府王普努寧原作蒲奴寧十七罪詔橫帳太保

和克台原作國底鞫之普努寧原作蒲奴寧伏其罪十一笞二

十釋之哈喇噶扎爾原作葛只里亦伏誣告六事命詳酌罪

之知事勤德連坐杖一百免官甲辰出居庸關乙巳詔

諸京鎮相次軍行諸細務權停理問庚戌分遣伊喇原作

拽沿邊偵候辛亥命皇族廬帳駐東京延芳淀壬子詔

以勅榜付裕悅原作于越休格原作休哥以南征諭拒馬河南六

州乙卯幸南京戊午以南院大王留寧言復南院部民

今年租賦壬戌以銀鼠青鼠及諸物賜京官僧道耆老

甲子上與大臣分朋擊鞠十一月丙寅朔党項來貢庚

午以政事令韓德讓守司徒壬申以古北松亭榆關征

稅不法致阻商旅遣使鞫之女直請以兵從征許之癸

酉御正殿大勞南征將校丙子南伐次狹底塌皇太后

親閱輜重兵甲丁丑以休格原作休哥為先鋒都統戊寅日

南至上率從臣祭酒景宗御容辛巳詔以北大王普努

寧原作蒲奴寧居奉聖州山西五州公事並聽與節度使布

克達哩原作打里共裁決之癸未祭日月為駙馬都尉勤

德祈福乙酉置諸部監勒所部各守營伍毋相錯雜丙

戌遣穆爾古原作魯姑蕭繼遠沿邊巡徼以所獲宋卒射

鬼箭丁亥以青牛白馬祭天地辛卯次白佛塔川獲自

落馴狐以為吉徵祭天地詔駙馬都尉蕭繼遠林牙穆

爾古原作謀太尉琳巴原作林八等固守封疆毋漏間諜軍

中無故不得馳馬仍縱諸軍殘南境桑果壬辰至唐興

縣時宋軍屯滹沱橋北選將亂射之橋不能守進焚其

橋癸巳涉沙河休格原作休哥來議事北皮室詳袞原作詳穩巴

雅爾原作排亞獻所獲宋謀二人上賜衣物令還招諭泰州

卓特原作楮特部節度使盧補古都監耶律盼與宋戰于泰

州不利甲午祭應鹿神以盧補古臨陣遁逃奪告身一

通其判官都監各杖之郎君伊喇原作拽刺僧庫埒原作骨里

遇宋先鋒於望都擒其士卒九人獲甲馬十一賜酒及

銀器乙未以盧補古等罪詔諭諸軍以御蓋郎君華格

卒詔以郎君舍音原作世音頗德等充命彰德軍節度使蕭

達林原作闊覽將軍托色原作迪子略地東路詔休格原作休哥巴雅

爾原作排亞等議軍事十二月己亥休格原作休哥敗宋軍于望

都遣人獻俘壬寅營于滹沱北詔休格原作休哥以騎兵絕

宋兵毋令入邢州命太師旺祿原作王六謹偵候癸卯小校

克酬原作曷主遇宋輜重引兵殺獲甚眾並焚其芻粟甲辰

詔南大王與休格原作休哥合勢進討宰相安寧領迪里原作

迪部及三剋軍殿上率大軍與宋將劉廷讓李敬源戰

于莫州敗之乙巳擒宋將賀令圖楊重進等國舅詳袞

格原作休哥以下入內殿賜酒勞之丁未築京觀復入南京

禁軍擊楊圍城守將以城降詔禁侵掠己酉營神榆村

詔上楊圍城粟麥兵甲之數辛亥以黑白二牲祭天地

癸丑拔馮母鎮大縱俘掠丙辰邢州降丁巳拔深州以
不卽降誅守將以下縱兵大掠李繼遷引五百騎款塞
願婚大國永作藩輔詔以王子帳節度使耶律襄之女
題木原作汀封義成公主下嫁賜馬三千匹

遼史卷十一

昭和十六年五月二十八日夕

德陽劉子雄校字

成都方守道覆校

遼史卷十一

元中書右丞相總裁托克托等修

本紀第十二

聖宗三

五年春正月乙丑破東城縣縱兵大掠丁卯次文安遣
人諭降不聽遂擊破之盡殺其丁壯俘其老幼戊寅上
還南京己卯御元和殿大賚將士壬辰如華林天柱二
月甲午朔至自天柱三月癸亥朔幸長春宮賞花釣魚
以牡丹徧賜近臣歡宴累日丁丑以迪錦原作諦居部下伊
喇原作嘉哩偵候有功命入御蓋郎君班祇候夏
四月癸巳朔幸南京丁酉上率百僚冊上皇太后尊號
曰睿德神略應運啟化承天皇帝太后禮畢羣臣上皇帝
尊號曰至德廣孝昭聖天輔皇帝戊戌詔有司條上勳

牡丹

舊等第加恩癸丑清暑冰井六月壬辰召大臣決庶政

丙申以耶律蘇為遙郡刺史秋七月戊辰納喇原作部

節度使薩哈勒原作撒葛里有惠政民請留從之是月獵平

地松林九月丙戌幸南京是冬止焉

六年春正月庚申如華林天柱二月丁未奚王壽寧殺

無罪人李浩所司議貴請貸其罪令出錢贍浩家從之

甲寅大同軍節度使同平章政事劉京致仕三月己未

休格原作休哥奏宋事宜上親覽之丙寅以司天趙宗德齊

泰王守平邵祺閻梅從征四載言天象數有徵賜物有

差癸未李繼遷遣使來貢夏四月乙未幸南京丁酉呼

勒希原作胡里室橫突韓德讓墮馬皇太后怒殺之戊戌幸

宋國王休格原作休哥第五月癸亥南府宰相耶律沙薨閏

月丙戌朔奉聖州言太祖所建金鈴閣壞乞加修繕詔

以南征恐重勞百姓待軍還治之壬寅阿爾斯蘭原作阿薩

蘭回鶻來貢甲寅威原作威鳥隈伊濟原作于厥部以歲貢貂鼠青

鼠皮非土產皆于他處貿易以獻乞改貢詔自今止進

牛馬六月癸亥党項太保鄂勒歡原作阿刺恍來朝貢方物

乙丑諭諸道兵馬備南征攻城器具癸酉額爾奇木原作

夷原作夷鄂勒博原作阿魯勃送沙州節度使曹恭順還授裕悅

河湟諸蕃違命者賜休格原作休哥巴雅爾原作排亞部諸軍戰

馬己酉駐蹕于洛河壬子加韓德威開府儀同三司兼

政事令門下平章事東京留守兼侍中漆水郡王耶律

穆濟原作抹只為大同軍節度使癸丑巴雅爾原作排亞請置涿

州驛傳八月丙辰以青牛白馬祭天地戊午休格原作休哥

與巴雅爾原作排亞紐勒璋原作里曷捉生將至易州遇宋兵

癸嘉請本乙
送嘉請本乙

殺其指揮使而還。庚申幸黎園溫湯。癸亥以將伐宋遣使祭木葉山。丁丑瀕海女直遣使薩喇勒原作速魯里來朝。西北路管押詳袞原作詳穩舒僧格原作撒哥以伐哲琳原作折立珠嚕原作助里二部上所俘獲東路林牙蕭勤德及統軍實原作石老垆原作垆以擊敗女直兵獻俘。大同軍節度使耶律穆濟原作抹只奏今歲霜旱乏食乞增價折粟以利貧民詔從之。濱海女直遣薩喇勒原作魯里來修土貢。九月丙申華格原作化哥與珠巴克原作不姑崇烏嚕原作古里來貢休格原作休哥遣詳袞原作詳穩音德爾原作德里獻所獲宋謀者。丁酉皇太后幸韓德讓帳厚加賞賚命從臣分朋雙陸以盡歡。戊戌幸南京己亥有事于太宗皇帝廟以唐元德為奉陵軍節度使。癸卯祭旗鼓南伐。庚戌次涿州射帛書諭城中降不聽。冬十月乙卯縱兵四面攻之城破乃降。因撫

南伐

諭其眾。駙馬蕭勤德太師達林原作闡覽皆中流矢。勤德載帝車中以歸。聞宋軍退遣色珍原作斜軫巴雅爾原作排亞等追擊大敗之。戊午攻沙堆驛破之。己巳以黑白羊祭天地。庚午以宋降軍分置七指揮號歸聖軍。壬申行軍參謀宣政殿學士馬得臣言諭降宋軍恐終不為用請並放還詔不允。丙子籌寧奏破狼山捷。辛巳復奏敗宋兵于益津關。癸未進軍長城口。宋定州守將李興以兵來拒休格原作休哥擊敗之。追奔五六里。十一月甲申上以將攻長城口詔諸軍備攻具。庚寅駐長城口督大軍四面進攻。士潰圍委城遁。色珍原作斜軫招之不降。上與韓德讓邀擊之。殺獲殆盡。獲者分隸燕軍。辛卯攻滿城圍之。甲午拔其城。軍士開北門遁。上使諭其將領乃率眾降。戊戌攻下祁州。縱兵大掠。己亥拔新樂。庚子破小狼山砦。丁

士上疑脫軍

未宋軍千人出益津關國舅郎君托卜威原委詳桃原委詳衣原委詳作
詳實格原委詳擊走之殺副將一人己酉休格原委詳休哥原委詳獻黃
皮室詳衣原委詳徇地莫州所獲馬二十四匹士卒二十人
命賜降者衣帶使隸燕京辛亥西路又送降卒二百餘
人給寒者裘衣以馬得臣權宣徽院事十二月甲寅朔
賜皮室詳衣原委詳持特原委詳圖古勒原委詳骨里原委詳戰馬橫帳
郎君達達哩原委詳劫掠命杖之丙辰畋于沙河休格
休哥原委詳獻奚詳衣原委詳雅魯原委詳耶魯原委詳所獲宋謀丁巳遣北宰
相蕭繼遠等往覘安平侍衛馬軍司奏攻邢州新樂都
頭劉贊等三十人有功乞加恩賞是月大軍駐宋境是
歲詔開貢舉一人及第

七年春正月癸未朔班師戊子宋雞壁砦守將郭榮率
眾來降詔屯南京庚寅次長城口三卒出營劫掠答以

徇眾以所獲物分賜左右壬辰李繼遷與兄繼捧有怨
乞與通好上知其非誠不許癸巳諭諸軍趣易州己亥
禁部從伐民桑梓癸卯攻易州宋兵出遂城來援遣特
哩原委詳軍擊之擒其指揮使五人甲辰大軍齊進破易
州降刺史劉墀守陣士卒南遁上帥師邀之無敢出者
卽以馬質爲刺史趙質爲兵馬都監遷易州軍民于燕
京以東京騎將夏貞顯之子仙壽先登授高州刺史乙
巳幸易州御五花樓撫諭士庶丙午以青牛白馬祭天
地詔諭三京諸道戊申次漆水謁景宗皇帝廟詔遣涿
州刺史耶律守雄護送易州降人八百還隸本貫己酉
次岐溝射鬼箭辛亥還次南京六軍解嚴二月壬子朔
上御元和殿受百官賀詔雞壁砦民二百戶徙居檀順
薊三州甲寅回鶻于闐師子等國來貢乙卯大饗軍士

爵賞有差。樞密使韓德讓封楚國王。駙馬都尉蕭寧遠同政事門下平章事。是日幸長春宮。甲子詔南征所俘有親屬分隸諸帳者。給官錢贖之。使相從。乙丑賞南征女直軍使東還。丙寅禁舉人匿名飛書謗訕朝廷。癸酉吐蕃党項來貢。甲戌雲州租賦請止輸本道。從之。丙子以女直和克岱原作活骨德為本部相。分遣巫覡祭名山。大川。丁丑皇子佛寶努原作佛寶奴生。戊寅阿爾斯蘭原作阿薩蘭于闐轄哩原作轄烈並遣使來貢。三月壬午朔遣使祭木葉山。禁芻牧傷禾稼。宋進士十七人挈家來歸。命有司考其中第者。補國學官。餘授縣主簿尉。李繼遷遣使來貢。丁亥詔知易州趙質收戰亡士卒骸骨。築京觀。戊子賜裕悅原作于越宋國王紅珠筋線。命入內神帳。行再生禮。皇太后賜物甚厚。以雞壁砮民成廷朗等八戶隸飛狐。己

丑詔免雲州逋賦。伊實原作乙室王固寧原作貫寧擊鞠為所部郎君高四縱馬突死。詔訊高四罪。丙申詔開奇峯路。通易州市。戊戌以王子帳耶律襄之女封義成公主。下嫁李繼遷。是春駐蹕延芳淀。夏四月甲寅還京。乙卯國舅太師蕭達林原作闡覽為子巴雅爾原作排亞請尚皇女延壽公主。許之。丙辰謁太宗皇帝廟。以御史大夫烏爾古原作烏骨領伊實原作乙室大王。己未幸延壽寺。飯僧。甲子諫議大夫馬得臣以上好擊毬。上疏切諫。云臣伏見陛下聽朝之暇。以擊毬為樂。臣思此事有三不宜。上下分明。君臣爭勝。君得臣奪。君輸臣喜。一不宜也。往來交錯。前後遮約。爭心競起。禮容全廢。若貪月杖。誤拂天衣。臣既失儀。君又難責。二不宜也。輕萬乘之貴。逐廣場之娛。地雖平。至為堅確。馬雖良。亦有驚蹶。或因奔擊。失其控御。聖體寧

遼史卷十一
無虧損。太后豈不驚懼。三不宜也。臣望陛下念繼承之重。止危險之戲。疏奏。大嘉納之。丁卯。托歡原作吐渾和珍還。回鶻安進吐蕃都圖原作獨朶等自宋來歸。皆賜衣帶。皇太后謁奇善汗原作奇汗廟。丙子。以錫里原作舍利軍耶律杳為常袞。己卯。駐蹕儒州龍泉。五月庚辰。遣宣徽使布琳原作蒲領等率兵分道備宋。以約尼原作遙輦副使崆郭囉原作控骨離為錫里原作舍利伊喇原作拽刺詳袞原作詳穩辛巳。祭風伯于儒州白馬村。休格原作休哥引軍至滿城。招降卒七百餘人。遣使來獻。詔隸東京。辛卯。獵桑乾河。壬辰。燕京奏宋兵至邊。時暑未敢與戰。且駐易州。俟彼動則進擊。退則班師。從之。六月庚戌朔。以太師扎穆原作柘母迎合。擿之二十。辛酉。詔燕樂密雲二縣荒地。許民耕種。免賦役十年。甲戌。宣政殿學士馬得臣卒。詔贈太子少保。賜錢十萬。粟百

石。乙亥。詔出諸畜。賜邊部貧民。是月。休格原作休哥巴雅爾原作排亞破宋兵于秦州。秋七月。乙酉。御含涼殿視朝。丙戌。以中丞耶律哈密喀原作麥哥權伊勒希巴原作夷畢橫帳郎君耶律延壽為御史大夫。癸巳。遣兵南征。甲午。以德勒賓原作商畢迪原作納喇威原作烏歲三部各四人益東北路。來人布爾德原作里德仍給印綬。丁酉。勞南征將士。是日。帝與皇太后謁景宗皇帝廟。八月庚午。放進士高正等二人及第。冬十月。禁置網捕兔。十一月甲申。于闐張文寶進內丹書。十二月甲寅。釣魚于沈子灤。癸亥。獵于好草嶺。

遼史卷十一

明和十六年三月五日夕也

本紀十二

德陽劉子雄校字
成都方守道覆校

元中書右丞相總裁托克托等修
本紀第十三

聖宗四

八年春正月辛巳如臺湖庚寅詔決滯獄庚子如沈子
 灤二月丁未朔于闐回鶻各遣使來貢壬申女直遣使
 來貢三月丁丑李繼遷遣使來貢庚辰大白熒惑鬪凡
 十有五次乙酉城杏塌以宋俘實之辛丑置宜州夏四
 月丙午朔嚴州刺史李壽英有惠政民請留從之庚戌
 女直遣使來貢庚午以歲旱諸部艱食振之五月戊子
 以宋降卒分隸諸軍庚寅女直宰相阿海來貢封順化
 王丙申清暑呼圖哩巴原作胡山詔括民田六月丙午
 以北面粉牙穆爾古原作磨為北院大王阿爾斯蘭原作

阿薩回鶻裕悅原作于越達爾罕原作達刺干各遣使來貢甲寅月掩天駟第一星丙辰女直遣使來貢秋七月庚辰改南京熊軍爲神軍詔東京路諸宮分提轄司分置定霸保和宣化三縣白川州置洪理儀坤州置廣義遼西州置長慶乾州置安德各一縣省遂嬀松饒寧海瑞玉特里原作鐵里奉德等十州及玉田遼豐松山宏遠懷清雲龍平澤平山等八縣以其民分隸他郡八月乙卯以黑白羊祭天地九月乙亥北女直四部請內附壬辰李繼遷獻宋俘冬十月丙午以大敗宋軍復遣使來告己酉準布原作阻卜等遣使來貢是月駐蹕大王府十一月庚寅以吐谷渾民饑振之丁酉太白晝見十二月癸卯李繼遷下宋麟郵等州遣使來告女直遣使來貢庚戌遣使封李繼遷爲夏國王癸丑回鶻來貢是歲放鄭雲從等二

人及第

九年春正月甲戌女直遣使來貢丙子詔禁私度僧尼庚辰如臺湖乙酉樞密使監修國史室昉等進實錄賜物有差戊子選宋降卒五百置爲宣力軍辛卯詔免三京諸道租賦仍罷括田二月丙午夏國遣使告伐宋捷丁未以涿州刺史耶律旺祿原作王六爲特哩袞原作惕隱甲子建威寇振化來遠三城屯戌卒閏月辛未朔日有食之壬申遣翰林承旨邢抱朴三司使李嗣給事中劉京政事舍人張幹南京副留守吳浩分決諸道滯獄三月庚子朔振室韋烏爾古原作烏古諸部戊申復遣庫部員外郎馬守琪倉部員外郎祁正虞部員外郎崔祐薊北縣令崔簡等分決諸道滯獄甲子幸南京夏四月甲戌回鶻來貢乙亥夏國王李繼遷遣杜白來謝封冊丙戌清暑

炭山五月己未以秦王韓匡嗣私城為全州六月丁亥突厥來貢是月南京霖雨傷稼秋七月癸卯通括戶口乙巳詔諸道舉才行察貪酷撫高年禁奢僭有歿于王事者官其子孫己未夏國以復綏銀二州遣使來告八月癸酉銅州嘉禾生東京甘露降戊寅女直進喚鹿人壬午東京進三足鳥九月庚子布古德原作鼻骨德來貢己酉駐蹕廟城南京地震冬十月丁卯阿爾斯蘭原作阿薩蘭回鶻來貢壬申夏國王李繼遷遣使來上宋所授勅命丁丑定難軍節度使李繼捧來附授推忠効順啟聖定難功臣開府儀同三司檢校太師兼侍中封西平王十一月己亥以青牛白馬祭天地十二月夏國王李繼遷潛附于宋遣招討使韓德威持詔諭之是歲放進土石用中一人及第

十年春正月丁酉禁喪葬禮殺馬及藏甲冑金銀器玩丙午如臺湖二月乙丑朔日有食之韓德威奏李繼遷稱故不出至靈州俘掠以還壬申烏舍原作兀惹來貢壬午免雲州租賦庚寅夏國以韓德威俘掠遣使來奏賜詔安慰辛卯給復雲州流民三月甲辰鐵驪來貢丙辰如炭山夏四月乙丑以臺湖為望幸里庚寅會羣臣較射五月癸巳朔州流民給復三年七月辛酉鐵驪來貢八月癸亥觀稼仍遣使分閱苗稼九月癸卯幸五臺山金河寺飯僧冬十月壬申夏國王遣使來貢戊寅鐵驪來貢十一月壬辰回鶻來貢十二月庚辰獵儒州東川拜天是月以東京留守蕭恆德等伐高麗十一年春三月壬寅回鶻來貢丙午出內帑錢賜南京統軍司軍高麗王治遣朴良柔奉表請罪詔取女直鴨

淶江東數百里地賜之。二月癸亥，霸州民妻王氏以妖惑眾伏誅。夏四月，幸炭山清暑。六月大雨，秋七月己丑，桑乾、羊河溢，居庸關西害禾稼，殆盡。奉聖南京居民廬舍多墊溺者。八月，如秋山。冬十月甲申朔，駐蹕富瑚原作魏坂。是歲放進士王熙載等二人及第。

十二年春正月癸丑朔，潮陰鎮水漂溺者三十餘村，詔疏舊渠。甲寅，以同政事門下平章事耶律實瑋為特哩袞。原作楊隱詔復行在五里內租。乙卯，幸延芳淀。戊午，蠲宜州賦調。庚申，郎君耶律必舒原作鼻舍等謀叛，伏誅。壬戌，以南院大王耶律景為上京留守，封漆水郡王。霸州民李在宥年百三十有三，賜束帛錦袍銀帶，月給羊酒，仍復其家。二月甲申，免南京被水戶租賦。己丑，高麗來貢。甲午，免諸部歲輸羊及關征。庚子，回鶻來貢。三月丁巳，

高麗遣使請所俘人畜，詔贖還。戊午，幸南京。丙寅，遣使撫諭高麗。己巳，涿州木連理。壬申，如長春宮觀牡丹。是月，復置南京統軍都監。夏四月辛卯，幸南京。壬辰，樞密直學士劉恕為南院樞密副使。戊戌，以景宗石像成，幸延壽寺飯僧。五月甲寅，詔北皮室軍老不任事者免役。戊午，如炭山清暑。庚辰，武定軍節度使韓德沖秩滿，其民請留從之。六月辛巳朔，詔州縣長吏有才能無過者，減一資考任之。癸未，汗州原作可汗州刺史賈俊進新曆。庚子，錄囚。甲辰，詔龍鳳兩軍老疾者代之。是月，太白歲星相犯。秋七月辛亥朔，日有食之。甲寅，遣使視諸道禾稼。辛酉，南院樞密使室昉為中京留守，加尙父。丙寅，女直遣使來貢。戊辰，觀穫。庚午，詔契丹人犯十惡者依漢律。己卯，以翰林承旨邢抱朴參知政事。八月庚辰朔，詔皇

太妃領西北路烏爾古原作烏古等部兵及永興宮分軍撫定西邊以蕭達林原作撻懶督其軍事乙酉宋遣使求和原作夷許戊子以國舅帳尅蕭圖格原作徒骨爲伊勒希巴原作離畢乙未下詔戒諭中外官吏丁酉錄囚雜犯死罪以下釋之九月壬子室韋党項吐谷渾等來貢辛酉宋復遣使求和不許壬戌行拜奧禮癸酉準布原作阻卜等來貢冬十月乙酉獵汗州原作可汗州之西山乙巳詔定均稅法丁未大理寺置少卿及正十一月戊申朔行再生禮鐵驪來貢詔諸部所俘宋人有官吏儒生抱器能者諸道軍有勇健者具以名聞庚戌詔郡邑貢明經茂材異等甲寅詔南京決滯獄己未官宋俘衛德升等六人十二月戊寅朔日有食之詔并奚王府敖拉原作奧理托輝原作墮魄瑪展原作梅只三部爲一其一剋各分爲部以足六部之數甲申

賜南京統軍司貧戶耕牛戊子高麗進妓樂卻之庚寅禁游食民癸巳女直以宋人浮海賂本國及烏舍原作兀惹叛來告丁未幸南京是年放進士呂德懋等二人及第十三年春正月壬子幸延芳淀甲寅置廣靈縣丁巳增泰州遂城等縣賦庚申詔諸道勸農癸亥長寧軍節度使蕭嘉哩原作解里秩滿民請留從之庚午如長春宮二月丁丑女直遣使來貢甲辰高麗遣李周禎來貢三月癸丑夏國遣使來貢戊辰武清縣百餘人入宋境剽掠命誅之還其所獲人畜財物夏四月己卯參知政事邢抱朴以母憂去官起復丙戌詔諸道民戶應歷以來脅從爲部曲者仍籍州縣甲午如炭山清暑五月壬子高麗進鷹乙亥北南伊寶原作乙室王府請括富民馬以備軍需不許給以官馬六月丙子朔啟聖軍節度使劉繼琛秩

滿民請留從之。丁丑，詔減前歲括田租賦。甲申，以宣徽

使阿穆爾原作阿沒里私城為豐州。丙戌，詔許昌平懷柔等

縣諸人請業荒地。秋七月乙巳，朔女直遣使來貢。丁巳

烏舍原作兀惹烏哲圖原作昭度渤海雅爾不勒原作燕頗等侵鐵

驪，遣奚王和碩原作胡奴等討之。壬戌，詔蔚朔等州龍

衛威勝軍更戍。八月丙子，夏國遣使進馬。壬辰，詔修山

澤祠宇，先哲廟貌，以時祀之。九月戊午，以南京太學生

員浸多，特賜水磴莊一區。丁卯，奉安景宗及皇太后石

像于延芳淀。冬十月乙亥，置義倉。辛巳，回鶻來貢。甲申

高麗遣李知白來貢。戊子，烏舍原作兀惹歸款，詔諭之。庚子

布古德原作骨德來貢。十一月乙巳，阿爾斯蘭原作薩蘭回

鶻遣使來貢。辛酉，遣使冊王治為高麗國王。戊辰，高麗

遣童子十人來學本國語。十二月己卯，鐵驪遣使來貢。

鷹馬。辛巳，夏國以敗宋人遣使來告。是年，放進士王用

極等二人。

十四年春正月己酉，漁于潞河。丁巳，蠲三京及諸州租

賦。丙寅，夏國遣使來貢。庚午，以宣徽使阿穆爾原作沒里

家奴閻貴為豐州刺史。二月庚寅，回鶻遣使來貢。三月

壬寅，高麗王治表乞為婚，許以東京留守駙馬蕭恆德

女嫁之。庚戌，高麗復遣童子十人來學本國語。甲寅，韓

德威奏討党項捷。甲子，詔安集朔州流民。夏四月甲戌，

東邊諸糺各置都監。庚寅，如炭山清暑。己亥，鑿大安山

取劉守光所藏錢。是月，奚王和碩原作胡奴東京留守

蕭恆德等五人以討烏舍原作兀惹不克，削官。改諸部令公

原作為節度使。五月癸卯，詔參知政事邢抱朴、洪南京

滯獄。庚戌，朔州威勝軍一百七人叛入宋。六月辛未，如

炭山清暑鐵驪來貢乙酉回鶻來貢己丑高麗遣使來問起居後至無時秋七月戊午回鶻等來貢閏月丁丑五院部進穴地所得金馬冬十月丙辰命劉遂教南京神武軍士劔法賜袍帶錦幣戊午烏哲圖原作烏昭度乞內附十一月甲戌詔諸軍官毋非時畋獵妨農乙酉奉安景宗及太后石像于乾州是月回鶻阿爾斯蘭原作阿薩蘭遣使爲子求婚不許十二月甲寅以南京道新定稅法太重減之甲子達林原作達稟誘叛酋阿勒坦原作阿魯敦等六十人斬之封蘭陵郡王幸南京是年放進士張儉等三人

十五年春正月庚午幸延芳淀丙子以河西党項叛詔韓德威討之庚辰詔諸道勸民種樹癸未烏舍原作長兀惹武周來降戊子女直遣使來貢己丑詔南京決滯囚乙

未免流民稅二月丙申朔如長春宮戊戌勸丕勒原作品部富民出錢以贍貧民庚子徙梁門遂城泰州北平民於內地丙午夏國遣使來貢甲寅問安皇太后丙辰韓德威奏破党項捷丁巳詔丕勒原作品部曠地令民耕種三月乙丑朔党項來貢戊辰募民耕灤州荒地免其租賦十年己巳夏國破宋兵遣使來告己卯封夏國王李繼遷爲西平王壬午通括宮分人戶免南京逋稅及義倉粟甲申河西党項乞內附庚寅烏舍原作兀惹烏哲圖原作烏昭度以地遠乞歲時免進鷹馬貂皮詔以生辰正旦貢如舊餘免癸巳宋主昞殂子恆嗣位甲午皇太妃獻西邊捷夏四月乙未朔罷奚王部歲貢鷹戊戌錄囚壬寅發義倉粟振南京諸縣民丙午廣德軍節度使韓德凝有善政秩滿其民請留從之己酉幸南京丁巳致奠于

太宗皇帝廟已未。如炭山清暑。五月甲子朔。日有食之。
己巳。詔平州決滯獄。是月。德呼原作八部殺詳袞原作
以叛。蕭達林原作撻懶追擊。獲部族之半。六月丙申。鐵驪來
貢壬子。夏國遣使來謝封冊。秋七月戊辰。党項來貢。辛
未。禁吐谷渾別部鬻馬於宋。丙子。高麗遣韓彥敬奉幣。
弔越國公主之喪。辛卯。詔南京疾決獄訟。八月丁酉。獵
于平地松林。皇太后誡曰。前聖有言。欲不可縱。吾兒爲
天下主。馳騁田獵。萬一有銜檄之變。適遺予憂。其深戒
之。九月丙寅。罷東邊戍卒。庚午。幸饒州。致奠太祖廟。戊
子。蕭達林原作撻懶奏討準布原作阻卜捷。冬十月壬辰朔。駐蹕
駝山。罷奚王諸部貢物。乙未。賜宿衛時服。丁酉。禁諸山
寺毋濫度僧尼。戊戌。弛東京道魚梁之禁。戊申。以上京
獄訟繁冗。詰其主者。辛酉。錄囚。十一月壬戌朔。錄囚。丙

戊。幸顯州。戊子。謁顯陵。庚寅。謁乾陵。是月。高麗王治薨。
姪誦遣王同穎來告。十二月乙巳。釣魚土河。己酉。駐蹕
駝山。壬子。夏國遣使來貢。甲寅。遣使祭高麗王治。詔其
姪權知國事。丙辰。錄囚。是年。放進士陳鼎等二人。

德陽劉子雄校字

成都方守道覆校

遼史卷十四

元中書右丞相總裁托克托等修

本紀第十四

聖宗五

十六年春正月乙丑如長瀋二月庚子夏國遣使來貢
 丙午以監門衛上將軍耶律錫呼原作喜羅為中臺省左相
 三月甲子女直遣使來貢乙亥布古德原作骨德酋長來
 貢夏四月癸卯振崇德宮所隸州縣民之被水者丁未
 罷民輸官俸給自內帑己酉祈雨乙卯如木葉山五月
 甲子祭白馬神丁卯祠木葉山告來歲南伐庚辰鐵驪
 來貢乙酉還上京婦人年踰九十者賜物六月戊子朔
 致奠於祖懷二陵是月清暑炭山秋七月丁巳朔錄囚
 聽政八月丁亥朔東幸九月丁巳朔駐蹕得勝口冬十

一月遣使冊高麗國王誦十二月丙戌宋國王休格原作

休薨輟朝五日進封皇弟恆王隆慶為梁國王南京留

守鄭王隆祐為吳國王是年放進士楊文立等二人

十七年春正月乙卯朔如長春宮夏四月如炭山清暑

六月烏舍原作兀惹烏哲圖原作烏昭慶來秋七月以伐宋詔諭

諸道九月庚辰朔幸南京己亥南伐癸卯射鬼箭北院

樞密使魏王耶律色珍原作斜軫薨以韓德讓兼知北院樞

密使事冬十月癸酉攻遂城不克遣蕭繼遠攻狼山鎮

石砦破之次瀛州與宋軍戰擒其將康昭裔宋順獲兵

仗器甲無算進攻樂壽縣拔之次遂城敵眾臨水以拒

縱騎兵突之殺戮殆盡是年放進士初錫等四人及第

十八年春正月還次南京賞有功將士罰不用命者詔

諸軍各還本道二月幸延芳淀夏四月己未駐蹕于清

泉淀五月丁酉清暑炭山六月準布原作阻卜叛首呼紐原作

鶻之弟特徹布原作不率部眾來附呼紐原作鶻無所歸

遂降詔誅之秋七月駐蹕于湯泉九月乙亥朔駐蹕黑

河冬十一月甲戌朔授西平王李繼遷子德昭朔方軍

節度使十二月回鶻來貢是年放進士南承保等三人

及第

十九年春正月辛巳以祗候郎君班詳袞原作詳穩觀音為

奚六部大王甲申回鶻進梵僧名醫二月乙亥夏國遣

李文貴來貢乙酉西南面招討司奏党項捷壬辰皇后

蕭氏以罪降為貴妃賜大丞相韓德讓名德昌夏四月

乙巳幸吳國王隆祐第視疾丙午問安皇太后五月癸

酉清暑炭山丙戌冊蕭氏為齊天皇后庚寅以十伊喇

原作詳袞原詳穩耶律仁努原為伊實原大王辛卯

拽刺原詳袞原詳穩耶律仁努原為伊實原大王辛卯

拽刺原詳袞原詳穩耶律仁努原為伊實原大王辛卯

拽刺原詳袞原詳穩耶律仁努原為伊實原大王辛卯

拽刺原詳袞原詳穩耶律仁努原為伊實原大王辛卯

以青牛白馬祭天地六月乙巳以所俘宋將康昭裔為
昭順軍節度使戊午夏國奏下宋恆環慶等三州賜詔
褒之秋七月丙戌以東京統軍使耶律諾觀原作瓜為南
府宰相八月庚戌達羅克原作達盧骨部來貢九月己巳朔
問安皇太后戊子駐蹕昌平庚寅西南面招討司奏討
吐谷渾捷辛卯幸南京冬十月己亥南伐壬寅次鹽溝
徙封吳國王隆祐為楚國王留守京師丁未梁國王隆
慶統先鋒軍以進辛亥射鬼箭壬子以青牛白馬祭天
地甲寅遼軍與宋兵戰于遂城敗之庚申以黑白羊祭
天地丙寅次滿城以泥淖班師十一月庚午射鬼箭丙
子宋兵出淤口益津關來侵偵候瑪原作謀注虞人珠克擊
敗之己卯觀漁儒門灤閏月己酉布古德原作骨德鼻來貢
己未減關市稅十二月庚辰免南京平州租稅

二十年春正月庚子如延芳淀癸丑東方五色虹見詔
安撫西南面向化諸部甲寅夏國遣使貢馬馳辛酉女
直宰相伊爾岱原作夷商底來貢二月丁丑女直遣其子來
朝高麗遣使賀伐宋捷三月甲寅遣北府宰相蕭繼遠
等南伐壬戌駐蹕鴛鴦灤夏四月丙寅朔文班太保達
里塔原作達里底敗宋兵於梁門甲戌南京統軍使蕭達林
原作撻破宋軍於泰州乙酉南征將校獻俘賜爵賞有差
戊子鐵驪遣使來貢五月乙卯幸炭山清暑六月夏國
遣劉仁勛來告下靈州秋七月甲午朔日有食之丁酉
以邢抱朴為南院樞密使辛丑高麗遣使來貢本國地
里圖九月癸巳朔謁顯陵告南伐捷冬十月癸亥朔至
自顯陵十二月癸亥王府五帳六節度獻七金山土河川
地賜金幣是歲南京平州麥秀兩歧放進士邢祥等六

人及第

二十一年春正月如鴛鴦灤三月壬辰詔修日厯官毋

書細事甲午朝皇太后戊午鐵驪來貢夏四月乙丑女

直遣使來貢戊辰烏舍兀惹渤海鄂羅木里米伊呀

圖原作越里篤伊呀濟原作越里古等五部遣使來貢是月耶律

諾觀原作奴瓜蕭達林捷凜獲宋將王繼忠于望都五月庚

寅朔清暑炭山丁巳西平王李繼遷薨其子德昭遣使

來告六月己卯贈繼遷尚書令遣西上閤門使丁振弔

慰辛巳党項來貢乙酉準布原作阻卜德埒哩原作刺里率諸

部來降是月修哈屯原作可敦城秋七月庚戌準布原作阻卜烏

爾古原作烏古來貢甲寅以奚王府監軍耶律實魯原作室魯為

南院大王八月乙酉準布原作阻卜德埒哩原作刺里來朝丙

戌朝皇太后九月己亥夏國李德昭遣使來謝弔贈癸

丑幸女河湯泉改其名曰松林冬十月丁巳駐蹕七渡

河戊辰以楚國王隆祐為西南面招討使十一月壬辰

故裕悅原作于越耶律休格原作休哥之子道士努原作土奴噶濟

原作高九等謀叛伏誅丙申通括南院部民十二月癸未罷

三京諸道貢

二十二年春正月丁亥如鴛鴦灤二月乙卯朔女直遣

使來貢丙寅南院樞密使邢抱朴薨輟朝三日三月己

丑罷番部賀千齡節及冬至重五貢乙未西夏李德昭

遣使上繼遷遺物夏四月丁卯朝皇太后五月清暑炭

山六月戊子以哈屯原作可敦城為鎮州軍日建安秋七月

甲申遣使封夏國李德昭為西平王丁亥烏舍兀惹富

珠哩原作奴里博和哩原作阿里伊埒圖原作里篤鄂羅木原作

奧里等部來貢八月丙辰党項來貢庚申準布原作阻卜酋

德埒哩

原作鐵刺里

來朝戊辰德埒哩

原作鐵刺里

求婚不許丙

子駐蹕犬牙山九月己丑以南伐諭高麗丙午幸南京

女直遣使獻所獲烏哲圖原作烏昭慶妻子丁未致祭于太

宗皇帝廟以北院大王穆爾古原作魯姑太尉老君努原作

老君原作監北南王府兵庚戌命楚國王隆祐留守京師閏

月己未南伐癸亥次固安以所獲謀者射鬼箭甲子以

青牛白馬祭天地丙寅遼師與宋兵戰于唐興大破之

丁卯蕭達林原作捷凜與宋戰于遂城敗之庚午軍于望都

冬十月乙酉以黑白羊祭天地丙戌攻瀛州不克甲午

下祁州賚降兵以酒脯祭天地己酉西平王李德昭遣

使謝封冊十一月癸亥馬軍都指揮使耶律科里原作課里

遇宋兵于洺州擊退之甲子東京留守蕭巴雅爾原作排押

獲宋魏府官吏田逢吉郭守榮常顯劉綽等以獻丁卯

南院大王善補奏宋遣人遣王繼忠弓矢密請求和詔

繼忠與使會許和庚午攻破德清軍壬申次澶淵蕭達

林原作捷凜中伏弩死乙亥攻破通利軍丁丑宋遣崇儀副

使曹利用請和即遣飛龍使韓杞持書報聘十二月庚

辰朔日有食之既癸未宋復遣曹利用來以無還地之

意遣監門衛大將軍姚東之持書往報戊子宋遣李繼

昌請和以太后為叔母願歲輸銀十萬兩絹二十萬疋

許之即遣閣門使丁振持書報聘己丑詔諸軍解嚴是

月班師皇太后賜大丞相齊王韓德昌姓耶律徙王晉

是年放進士李可封等三人

二十三年春正月戊午還次南京庚申大饗將卒爵賞

有差二月丙戌復置榷場於振武軍丁巳夏國遣使告

下宋青城辛酉朝皇太后以特哩袞原作惕隱華格原作化哥為

南院大王行軍都監老君努原作老君奴為特哩袞原作惕隱乙

丑振党項部丁卯回鶻來貢丁丑改易州飛狐招安使

為安撫使夏四月丙戌女直及阿爾斯蘭原作阿薩蘭回鶻

各遣使來貢乙未鐵驪來貢己亥党項來侵五月戊申

朔宋遣孫僅等來賀皇太后生辰乙卯以金帛賜陣亡

將士家丙寅高麗以與宋和遣使來賀六月壬辰清暑

炭山甲午準布原作阻卜酋德埒哩原作鐵刺里遣使賀與宋和

己亥達旦國九部遣使來聘秋七月癸丑問安皇太后

戊午党項來貢辛酉以青牛白馬祭天地壬戌烏爾古

鳥原作烏古來貢丁卯女直遣使來貢阿爾斯蘭原作薩蘭回鶻

遣使來請先留使者皆遣之九月甲戌遣太尉阿里太

傅楊魯原作楊六賀宋主生辰冬十月丙子朔布古德原作鼻骨

德來貢戊子朝皇太后甲午駐蹕七渡河癸卯宋歲幣

始至後為常十一月戊申上遣太保和卓原作合住頒給使

韓簡太后遣太師博諾原作益奴政事舍人高正使宋賀正

旦辛亥觀漁桑乾河丁巳詔大丞相耶律德昌出宮籍

屬于橫帳十二月丙申宋遣周漸等來賀千齡節丁酉

復遣張若谷等來賀正旦

二十四年春正月如鴛鴦濼夏五月壬寅朔幸炭山清

暑幽皇太妃呼紐原作胡輦于懷州囚夫人伊蘭原作夷懶于南

京餘黨皆生瘞之秋七月辛丑南幸八月丙戌改南京

宮宣教門為元和外三門為南端左掖門為萬春右掖

門為千秋是月沙州燉煌王曹壽遣使進大食國馬及

美玉以對衣銀器等物賜之九月幸南京冬十月庚午

朔帝率羣臣上皇太后尊號日睿德神畧應運啟化承

天皇太后羣臣上皇帝尊號日至德廣孝昭聖天輔皇

帝大赦。是年放進士楊佖等二十三人及第。

二十五年春正月建中京。二月如鴛鴦灤。夏四月清暑

炭山。六月賜皇太妃呼紐原作胡輦死于幽所。秋七月壬申

西平王李德昭母薨。遣使弔祭。甲戌遣使起復。九月西

北路招討使蕭托雲原作圖玉討準布原作阻卜破之。冬十月丙

申。駐蹕中京。十二月己酉振饒州饑民。

二十六年春二月如長灤。夏四月辛卯朔祠木葉山。五

月庚申朔還上京。丙寅高麗進龍鬚草席。己巳遣使賀

中京成。庚午致祭祖懷二陵。辛未駐蹕懷州。秋七月增

太祖太宗讓國皇帝世宗諡。仍諡皇太弟魯呼原作李胡曰

欽順皇帝。冬十月戊子朔幸中京。十二月蕭托雲原作圖玉

奏討甘州回鶻。降其王伊魯勒原作刺里。撫慰而還。是年

放進士史克忠等一十三人。

二十七年春正月釣魚土河獵于瑞鹿原。夏四月丙戌

朔。駐蹕中京。營建宮室。庚戌廢霸州。處置司。秋七月甲

寅朔霖雨。潢土幹拉原作幹刺陰涼。四河皆溢。漂沒民舍。八

月甲申北幸。冬十一月壬子朔行柴冊禮。十二月乙酉

南幸。皇太后不豫。戊子肆赦。辛卯皇太后崩于行宮。壬

辰遣使報哀于宋夏高麗。戊申如中京。己酉詔免賀于

齡節。是歲御前引試劉二宜等三人。

德陽劉子雄校字

成都方守道覆校

